


„Droschak“

ORGANE

de la Fédération

Révol. Arménienne.



Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈՒՍԱԿԱՆ ԴԱՂՆԱԿՑՈՒԹԻՒՆՆԵՐԸ“ ՕՐԳԱՆ

Ա Ղ Է Տ Է Ն Ե Տ Ք Ը

Արևիկիոյ աղէտին լուրերը հետզհետէ աւելի ահարկու կը դառնան, և նորանոր մանրամասնութիւնները, բնիկ և օտար աղբիւրներէ քաղած, ոչ միայն չեն մեղմացներ արհաւիրքը, այլև յարաճուն շեշտ մը կը դնեն և կը փոխադրեն մեզ այն դարերուն մէջ, ուր բարբարոս մարդկութիւնը կը ծաղկէր իր բնագօր վայրագութեանը մէջ: Քսաներորդ դարու մարդկութիւնը անօրինակ երևոյթի մը հանդիսատես կըլլայ և չկրնար բացատրել այդ արիւնի կռապաշտութիւնը որ բանի տարիներէ ի վեր կը շարունակէ թիւրքիոյ մէջ: Ինչ բանի ալ վերագրեն պարզելու համար այդ շարունակող արիւնողբերութիւնը, բան մը մութ կը մնայ և խորհրդաւոր: Մոլեռանգութիւնը, ցեղային ատելութիւնը, գոյութեան կռիւը, ոչ մէկ կերպով չեն լուսաբաներ և արդարացներ տարբինակ արիւնուշտ բնագօր մը որ մասնաւոր նրբութիւն և չարաշուք արւեստ մը կը դնէ իր արարքին մէջ:

Տիեզերք միաձայն է յայտարարելու՝ որ բարբարոսութիւնը և գազանութիւնը այդքան սերտ կերպով զուգաւորւած չէին մարդ-էակին դժբախտ գոյութեան դէմ: Հալէպի Փրանսական հիւպատոսը որ 1895-ի Արիւնի կոտորածին ներկայ եղած է, սա տողերը կը գրէր Արևիկիոյ ջարդերու մասին. «Ես կը կարծէի այն ատեն որ մարդկային ամենամեծ սարսափները տեսած էի, բայց այս անգամ Արևիկիոյ մէջ կատարւածները գերազանցեցին առաջինները»:

Արդարև իսլամ խուժանը, մանաւանդ Արևիկիոյ մէջ, ուր կը կազմէ մարդկային կեանքի մը սրբը, հիանալի *maestra*-ով մը դերակատարած է մարդկային ողբերգութիւնը և աւերագործած: Այսպէս անսահման երևակայութիւն մը անընդունակ պիտի ըլլար ըմբռնելու որ բնութիւնը այդքան շարունակութիւն կրնայ հիւսած ըլլալ ընկերական էակին հոգուն մէջ: Աբդիւլ Համիդ իր երեսնամեայ թագաւորութեան մէջ բոլորովին վատասեռեց այդ ժողովուրդը, որ ոչ միայն նիւթապէս կործանեց այլև բարոյապէս մահացուց:

Բանականութիւնը և տրամաբանութիւնը կը կորսնցնեն իրենց թելը այդ աւերակոծ տեսարաններուն առջև:

մարդ կընդարմանայ կը մնայ իր մտածումին, ըմբոստութեան ու կարեկցութեան մէջ: Թերևս «խելագարութիւնը» միայն խօլ ու ամենհի քրքիջի փիլիսոփայութիւնը ունենար այդ արիւնտա թատերգութեան բեմին վրայ... մարդկօրէն մտածումէն դուրս ըլլալով, քրքիջ մը որ ունայ տար Տօրոսի սարերուն:

Գէպի կարմիր մահերը անվերջ ուխտագնացութիւն մըն է որ հայը կը կատարէ թիւրքիոյ մէջ և, կարծես, ճակատագրւած է իրեն պատանքը հագած ման գալ:

Կոտորած, աւարաւութեան ոգի, առեւանգում, բռնաբարում, հրդեհում, ահա դաժան լարերը մեր հայրենակից թիւրք ամբոխի բնարին: Ար թւի թէ կեանքը ուէ նւիրականութիւն չունի այդ ամբոխի համար, և դարերը... ետ ետ կերթան այդ երկրին մէջ:

Ինչպէս հետզհետէ երևան ելլող փաստերը ցոյց կուտան, թիւրք տգէտ ամբոխը, իր էշըֆներով, կը պատրաստէր, Աբդիւլ Համիդի հարւածէն յետոյ, ընդհանուր ջարդով մը վերջ տալ Անատոլիի մէջ հայերու գոյութեան որ պաշտպանելով Սահմանագրութիւնը, կը խանգարէին յետագէմ տարրի դարաւոր բունը և անուշճուլութիւնը: Իսկապէս այնպիսի ծածուկ և խուլ դաւադրութիւն մը կազմած էր, որ կարելի է ըսել թէ, հայերը հրաշքով իրենց պատմական գոյութեան մեծ վտանգը անցուցին:

Պէտք չէ ուրանալ որ հոն՝ ուր իշխանութիւնները մարդասէր ու կորովի դիրք բռնած են, կոտորածի առջև առնւած է: Եղեսիայի կառավարիչ Սալիհ պէյ համակրելի դէմքերէն է, որոնք իսկապէս *empire builders*-ներն են կայսրութեան և «մարդեր» քաղաքակիրթ ըմբռնումով: Այդպիսի անհատները, իրենց մարդկային զգացումով ու ազնիւ վարմունքով աւելի ծառայութիւն կը մատուցանեն հայրենիքին, ժողովուրդներու համերաշխութեան, քան անգոյն խորհրդարան մը, որ ցարդ իր բարձր կոչումին մէջ նժարին մէկ կողմը կեցած է:

Այդ անձնաւորութիւնը փրկեց Եղեսիայի պէս դժբախտ քաղաք մը, ուր 3,000 ողջակէզ հայերու յիշատակը դեռ թարմ է...

Օսմանեան աղատութիւնը իր հմայքէն ու լուսապսակէն մեծ բան մը կորսնցուց: Ատանայի անլուր գազանութիւնները պապանձեցուցին ներքողի սրինգ-

ները, որ Թիւրքիոյ «անարիւն, խաղաղ ու խելացի» յեղափոխութիւնը կը հովուերգէին: Շատերը Թիւրք ժողովրդի ժուժկալ ու անօգելից կազմին մէջ ուղեցին գտնել «ողջամիտ ու չափաւոր» ոգին որ խոյս կուտայ արիւնոտ տեսարաններէ, կարծիր յեղափոխութիւններէ, և այդ պատճառով «չրարբու»ներու Յեղափոխութիւն ևս կոչեցան յուլիս 24-ի շարժումը: Ազդահաս էր սոյն դատաստանը թերեւս պուտ մը գինի աւելի յարմար ըլլար ուրիշ պապակներ մարելու համար:

Ոչ միայն Օսմանեան Ազատութեան հմայքը տուժեց աշխարհի առջև, շնորհիւ կոյր ու անգիտակից ամբողջի մը և ոչ-անաչառ կառավարութեան մը, այլ և որոշ յեղաշրջում մը կատարեցաւ մտքերու ու սրտերու մէջ:

Սահմանադրութեան հաստատումէն յետոյ հայ ժողովրդի խանդավառ յափշտակութիւնը սահման չունէր. ան մոռցած էր անցեալը, հակառակ բանաստեղծի անէծքին,

«Թէ այսքան չարիք մունան մեր սրդիք,
Ամբողջ աշխարհ հայուն կարգայ նախատինք»:

Թիւրքերը բնականաբար իրենք ալ զարմացած էին հայ ժողովրդի անյիշաչարութեան վրայ, որ ցնծութեան քայլերով ու գրկաբաց կողջունէր նոր թուականը: Անոնք կը կարծէին որ հայերը՝ քրմուհիի մը պէս, սևի ու սուգի մէջ պլլած պիտի ընծայաբերէին Ազատութեան դիցուհիին: Ընդհակառակը, երկրի մը ազատագրութեան տոնակմբուսին մէջ, անոնք շեշտ մը դրին ջինջ, սրտաշարժ և էպպէս մարդկային: Հայ գիւղացին պատրաստ-ւեցաւ սօթաւել թուերը դուժանին կպելու ու հողին խոպանութիւնը մշակելու և անդաստանելու. ան կարօտը կը քաշէր անուշ հօհօներուն որ կը հետևի արգասաւոր ակօսներուն: Յարգ բայս և ստրուկ՝ որ կը ծառայէր պէյերու, փաշաներու ու անխիղճ պաշտօնեաներու քմահաճոյքներուն, այժմ՝ իբր ազատ քաղաքացի կը հրճէր և կուզէր ծառայել ընդհանուր հայրենիքին:

Թիւրք խուժանը չուզեց հասկանալ հոգեբանական այդ երանգը՝ ողբերգութիւն հարկաւոր էր իրեն՝ որուն ընտանեցուցած էր նախկին փրօտիշահը:

Ետանայի ողբերգութիւնէն յետոյ, դատական կատակերգութիւնն է որ կուգայ մեր երևակայութիւնը խոշտանգել:

Կառավարութիւնը բոլոր ճիգը կը թափէ խեղբամահ ընելու ճշմարտութիւնը հերքելու զօրքերու ակներև մասնակցութիւնը կոտորածին և ձգելու ծանր պատասխանատուութիւնը հայերուն վրայ, արհամարելով նոյն-իսկ ողջմտութեան պահանջները, խղճի ձայնը և շտակալով ունացող հակասութիւններէն, անուանք մտաբերելու ոչ, ստրիկ մը ի վերջ՝ զուլումի աշխարհին մէջ ազատութեան նարտները ծաղկեցան և օսմանեան կայսրութիւն մը հիմնւած է... արդարութեան արիւնքն վրայ թէև դեռ կը յուսանք որ, երկրին ընդհանուր շահերու

տեսակետով, այս վիճակը չչարունակելի և կառավարութիւնը կանդրադառնայ իր սխալին վրայ և վերջ կը դնէ ապերասան ապօրինութեան:

Միւս սաղարթներ, սպառնալիքներ, դատաստանական կնճռուներ մասամբ յաջողած են հայերուն վրայ նետելու դատապարտութեան քղամիտը:

Տէրէպէյիներու աշխարհին մէջ Չինեորական տտեան մը կը գահակալէ, սահմանադրական կառավարութեան կողմէ... Ճշմարտութիւնը մերկացնելու և արդարութիւնը գործադրելու համար Այդ տտեանը ճշմարտ հաւատաքննութեան տտեանի մը տպաւորութիւնը կը թողու և որ նոյնքան հեռ, կիրք ու միակողմանիութիւն դրուել իր բնութեան ու վճիռներուն մէջ: Իր բոլոր ստուգութիւնները հիմնւած են կոտորածներու հեղինակներու, էջրէֆներու սուտ վկայութիւններուն վրայ, որոնք ոչ միայն հայերը ամբաստանեցին շնականօրէն, այլ և սպառնացին կառավարութեան Անատոլիի մէջ ընդհանուր հայկական ջարդ սուաջ բերել, եթէ կառավարութիւնը համարձակէր ունէլ թիւրք դատապարտել: Սա հին ըմբռնում մըն էր, որ սակայն յաջողեցաւ նոր բէժիմին օրով, և Չինեորական տտեանը պատուհասի խոշոր բաժինը յատկացուց դժբախտ հայերուն:

Բարեկարգ ու գիտակից կառավարութիւն մը պիտի չհամարձակէր այդքան անիրաւ ու ապօրէն ընթացք մը բռնել դէպի ժողովուրդ մը, որ 30,000 զոհ ապէլ յետոյ, մոխիրի վրայ նստած, իր ուղեղը կը քրքրէ և չկրնար իմաստը հասկնալ սոյն զարհուրելի եղբայրանպանութեանը իր թիւրք հայրենակիցներու կողմէն, որ երէկ եղբայրութեան, հաւասարութեան անուններով օգը կը թնդացնէին: Այդպիսի անպատմելի դաւաճանութիւն մը, ժարնաքի հարւած մը կ'ունակէն, ոչ մէկ արդարացում չվերցնելու:

Վեց հայ կախեցին և ինը թիւրք: Վեց անմեղ հայ արհեստաւորներ որ կրնային աշխարհի երեսին պուտալ և ըսել Տէրափօստի պէս, թէ կը մեռնէին «անանց յանցանքի» և շատ մը հայեր ալ դատապարտուած են մեծագոյն պատժի իսկ ոճիրի հեղինակները, ընդհակառակը, կը մնան անպատիժ: 30,000 հայ կոտորող խուժանէ մը ինը անվարտի թիւրք գտած են միայն, կոյր գործիքներ վալիին և էջրէֆներուն ու յետադիմական պարագլուխներուն, ու կախած իսկ քանի մը հոգի ալ են թարկած են թեթևագոյն բանտարկութեան: Այսօրինակ երկու թիւրք չեն բացատրելի և գայրոյթի զգացումները կընկրկին այդքան անմարդկայնութեան առջև:

Կարօպական մեծ թերթի մը խմբագիրը որ մեծ հիացում ունեցաւ դէպի Երթալ թիւրքերու շարժումը, սա մասնաւոր տողերը կը գրէր մեզի «Ստանայի մէջ վեց հայերու կախադան հանելը անպէտք ու չարամբանելի է պարզապէս, կը ցանկանայ յոռետես չըլլալ Թիւրքիոյ նոր բէժիմին հանդէպ»:

Չինւորական «արգարագատ» տառանը չուզեր բաւականանալ դերերը շրջելով այլև կարծես պաշտօն ունի անարգել զոհերը և սրտաբեկի ու ծայր յուսահատութեան մղել հայ տարրը: Կամ այդ տառանը անձեռնհաս է կամ կառավարութեան որոշ թելադրութիւնով կը շարժի և կամ բարոյական ունէ զգացումէ դուրկ մասնաւոր վրէժխնդրութեան ոգի մը կը դնէ իր դատաստանական եղանակին մէջ:

Ար խողխողեն հայ ժողովուրդը մոյն գնութեան բոլոր թափով և բարբարոսութեան բոլոր երանդներով կառավարութիւնը կը բռնադատէ զայն: Տղորագոյնի իրաւունքով որ կուտայ իր արցունքը և լուէ—կարծես ուղէր ըսել որ մեռելները արդէն բաւական խօսուն են—և, ինչ որ խելքէմտքէ դուրս է կը պնդէին որ զօհը խոստովանի թէ ինքն է մեղաւորը:

Այս վերջին թէզը պաշտպանելու համար կառավարութիւնը իր մամուլին և հեղինակաւոր անձերու ընդունով հակասութենէ հակասութիւն գլորեցաւ: Մուսթարփաշա փաշա փարիզի մէջ այդպիսի ստուծիւն մըն էր որ ըմբռնելու կուտար մամուլին բայց ինչպէս կերելի աւելի հեշտ է պատերազմի մէջ հերոս դառնալ քան ճշմարտախօսութեան մէջ:

Կառավարութիւնը կուզէ ներշնչել մեղի միլլէթը հաբլմէի՝ երկիւղը—որ հետու է սակայն իմաստութեան սկիզբը ըլլալէ—և հասկցնել որ ինք իր ուղածը կընէ: Ատանայի առաջնորդին դատապարտութիւնը Հաճընի տուճարդին և ուրիշներու անյանցապարտ ձերբակալումը կառավարական կամայականութիւն մը ցոյց կուտան, ահաբեկութեան բարբարիկ ձև մը երևակայութիւններուն վրայ ազդելու համար: Բայց ինչ կարժեն այդպիսի ճարտարամտութիւնները իրականութեան պերճախօսութեան առջև:

Ատանայի միլլէթին, կոտորածի կազմակերպողներէն մէկը, եգիպտոսի Ալ Ազհարի մեծ Շէյխին գրած նամակի մը մէջ, չամչնալով, ի միջի այլոց սա անպատկառ սուտը կը փսխէր. «Հայերը արդէն իրենց թագաւորը ընտրած և անկախութիւնը հռչակելու վրայ են»: Միլլէթին կը մնար, սպա ուրեմն, երկու ելք՝ կամ փէշերը ժողովել ու կծիկը դնել հայկական բանակներու առջևէն, կամ կոտորել տալ հայերը անխափ: Այլահի պաշտօնեան վերջինը ընտրեց... իր հայրենիքը փրկելու համար: Մեծ Շէյխը Վիլիկեան խժոճութիւններու ատեն, գթութեան ձայն բարձրացուցած և «Ճիշատ» յայտարարած էր կոտորածներուն դէմ՝ որ կանպատեն մարդկութիւնը և իսլամութիւնը: Միլլէթին, այդ կրօնական գայլը չէր հանդուրժեր՝ որ իսլամ հոգեւորական մը կարող ըլլայ կարեկցութիւն յայանել դէպի քրիստոնէան ու կը մտածէ մրտաբոյ այդ նենգամիտ նամակը և կերպով մըն ալ յանդիմանել Շէյխը: Երբ խորը կը մտնէր ու անաչառօրէն կը վերլու-

ծենք եղիւթութիւնները, կը յանդինք այն ելլակացութեան, որ հայերուն միակ ու աններելի «յանցանքը» ինքն ապաշտպանութիւնն է եղած. ոչ մէկ լուրջ ու գրական փաստ չկայ որուն կարող ըլլայ կառչիլ կառավարութիւնը մեղմացնելու համար: Թիւրք խուժանին արարքը՝ ոչայերու կողմէ բացի ցուցածու լուծենէ ու անտեղի ազմուկներէ ուրիշ ունէ վատ բան չէ ըրած»՝ կը գրեն շատ մը եւրոպացի թղթակիցներ: Ճիշտ է, որ հայերը բարձրաձայն պանծացուցին աղատութիւնը խուժանի մը հանդէպ՝ որուն համար այդ աղատութեան օրը սուգի օր կը համարէր: Սակայն այդպիսի դժոխային թագաւորութենէ մը յետոյ, քամենաչնչին աղատութիւն մը իսկ պէտք էր ուրախութեան ամպը պնդելու յարուցանելու և շատ բնական էր: Այժմ հայերն ալ չկատարէին այդ ցնծութիւնները, սահմանադրութեան հռչակումը Վիլիկեի մէջ մուսլ ու բռնազբօսիկ կերպարանք մը պիտի առնէր: Այդպիսի պատմական մեծ օրեր պէտք է առաջ բերեն ժողովրդական ինքնաբեր և գլխուն արտայայտութիւններ, որովհետև սրտուրախ ու երջանիկ ցոյցերն են որ կը ներխառնեն օրւան կամ դէպքին մեծութիւնը, ապա թէ ոչ սգահանդէս մը կը դառնար:

Այդ շատ բնական ցոյցերը և տարբական ինքնապաշտպանութիւն մը միլլէթ պատճառներ էին որ մարդկութեան թատերաբեմին վրայ այդպիսի անգութ տուամենք կատարէին: Իսլամ խուժանը չհանդուրժեր որ հայը ինքնապաշտպանութեան ընդունակ ըլլայ շան պէտք չէ վեր պրիւի ճակատագրի հարւածներուն դէմ... և սրբագրէ պատմութիւնը:

Ներքին գործոց նախարար, Ֆէրիփ փաշա, Ատանայի ստիւղամներու թարմ ու ծանր պատասխանատուութեան տակ, կը խնդրէր Եւրոպայէն սպասել և վստահել իրենց արգարագատութեան: Ֆէրիփ փաշան—որուն մէջ քաղաքակիրթ ըմբռնումները բոլորովին անհետ չեն ըրած կրօնամոլութեղորումները—նկատուած է թիւրքիոյ պետական էն կարող անձնաւորութիւններէն մէկը, սակայն կը թուժակէր մեծ Ռաշիդ փաշան որ 1846-ին և համանման պարագայի մը մէջ կըսէր Եւրոպային. «Անդունիմ որ դեռ լաւ չենք կառավարեր, բայց կարգիլեմ աւելի վատ կառավարելէ, կը խնդրեմ Եւրոպայէն հաւատալ ինձի»:

Երկու թիւրք պետական անձնաւորութիւններ, տարիներու հոլովումէն յետոյ, միևնոյն տեսակէտներուն դէմ առ դէմ կը գտնին և միևնոյն մեղեդին է որ կը նուագեն Եւրոպային. սակայն Ռաշիդ փաշան անկեղծ էր: Ցանկալի է որ կէս դար վերջը Թիւրքիան այսպիսի ցաւագին արգարացումի մը կարօտը չըզգայ և գտնի այնպիսի նախարար մը որ ամեն բանէ առաջ ներքին պարկեշտ քաղաքականութիւն մը որդեգրէ: Թիւրքիոյ ներքին գործոց նախարարը Ատանայի ար-

Տաւրըններուն հանդէպ՝ արդարութեան աչքին փոշի փչեց և զայն ստորագասեց մութ ու անսահմանագրահան նկատումներու հանրային խիղճը չկրնար արդարացնել զինքը: Տխուր պիտի ըլլար եթէ սահմանագրահան Թիւրքիան չգիտնար զանազանել ոճրագործը զօհէն և ներկան համիդեան շրջանէն, ուր մարդիկ կառավարել ըսելով կը հասկնային առեւանգել, թալանել, խողխողել և Տակիտոսի խօսքերով «հոն ուր անապատ կը դարձնէին, կըսէին, խաղաղութիւն տւինք»:

Խոստումներ միայն կը շոյլեն հայերուն, երբ անգին անգթութիւնը անայլալ կը շարունակի դատաւարութեան ձեւին տակ: «Ճակատագրական բան մը կարծես կը ծանրանայ Հայաստանի վրայ, կըսէր Փրանսիացի հրապարակագիր մը, անոր որդիքը ամեն պարագաներու ողջակէզներն են, իր արիւնը ամեն արշալոյսներու ցօղն է»: Հեռու մենէ այդպիսի արշալոյսները՝ ուր արդարութիւնը կը ծաղրէ նոյն ինքը արդարութիւնը և ուր բարբարոսութիւնը կը խնդայ օրէնքի թիւն:

Օսմ. Խորհրդարանը, որքան ալ նոր և անփորձ, կսպասէր որ աւելի բանաւոր և մարդկային ըլլար և աւելի բարձր նկատումներէ առաջնորդէր ներքին այդպիսի մեծ աղէտի մը հանդէպ. իր դիրքը աներկիւղ և անվերապահ ըլլալէ հեռու էր, պէտք է խոստովանել մինչդեռ Խորհրդարանը ինքը պէտք էր տալ հզօր զարկը համերաշխութեան ու սիրոյն որ կը զօրեն տարրերը և սերտօրէն կը կապեն զանոնք երկրին ու օրէնքին:

«Համաշխարհային խաղաղութեան» համար «Միջազգային խորհրդարանի» մը ստեղծումը կը ջատագովէր նոյն Օսմ. Խորհրդարանը: Սա վաղահաս էր այնպիսի երկրի մը ներկայացուցիչներու կողմէն, որ իդէալականութեան և դատան ըմբռնումներու մէջ կը տարուբերին և գեղեցիկ բարեցանկութիւններու հետ խուժանային բնազդներու առջև ալ գիտնէր դեռ անխռով մնալ: Շատ լաւ կըսէր եւրոպական կարևոր թերթ մը՝ «օսմանեան Խորհրդարանը աւելի լաւ կընէր, համաշխարհային խաղաղութեան մասին մտածելէ առաջ իր երկիրը խաղաղեցնէր»:

Սա պարզ ու բնական ողջմտութիւնն է, որուն պէտք է լծւի Օսմ. Խորհրդարանը: Թիւրքիոյ մէջ այնքան բան կայ ընելիք, որուն կէտը եթէ կարելի ըլլայ իրագործել, արդէն երկիրը բարեկարգած կարելի է համարել և խիղճերը հանգստացած: Ոչ մէկ բանիբուն անհատ պիտի չուզէր հրապուրել այդպիսի համաշխարհային ցոյցերով, երբ Թիւրքիոյ մէջ քաղաքական ու քաղաքացիական առաքինութիւնները ու հասարակական դաստիարակութիւնը դեռ չեն կրցած իրենց ջրերը գանել և վաղան անստուգութիւնը ու վայրենի թշնամութիւններն են որ կը լլկեն միտքերը:

Ամեն հայ կը կարծէ որ իր դժբախտ ձակատագրին

շուրջ խուլ ու սև դաւադրութեան ոգիները կը սլքտան և մահաւան խայթոցները կը սրեն: Դատան յուսախարութիւն մը կը պարաւանդէ իր էութիւնը, և սակայն մենք կը ջանանք բարոյական մեր բոլոր ուժով հակամարտիլ սրարշաւ յոռետեսութեան դէմ:

Տխուր ու ճնշող բան է անշուշտ տեսնել ժողովուրդ մը, ինչպէս թիւրք ժողովուրդը, որ չզգար այն հոյակապ գործը զոր կատարեցին բունիակ իր զաւակները, փրկելով երկիրը ահաւելի հրեշէ մը: Ճիշտ է անոր գուլ հոգին, տարաբախտաբար, շատ չսարսուաց արտոյտին երգով որ Ալատութեան արշալոյսին՝ դէպի մեծ առաւօտը կը սլանար, և իր աչքերը խանդագին չսեւեւեց դէպի աստղերը: Բայց մենք կուզենք դեռ լաւատես ըլլալ և չենք ուղեր հաւատալ որ Թիւրքիան «անուղղայ» է:

Կուզենք պատմական լաւատեսութիւնը ունենալ, թէ թիւրք ժողովուրդը շնորհիւ իր ազատասէր զաւակներու գերագոյն ջանքերուն, պիտի մտնէ մարդկայնական շաւղին մէջ և պիտի գայ մէկ օր որ պիտի ամօթահարի իր անցեալէն: Արիւնի հեղեղները չեն որ վերջապէս կանգուն կը պահեն կայսրութեան հիմերը, որ արդէն լղկած ու փտած է նոյն արիւնին մէջ:

Անպայման պէտք է կատարել այդ բարոյական բարեշրջումը թիւրք ժողովուրդին մէջ: Արիւնը իմանալէ, Խտալիոյ ազատութենէն յետոյ, կըսէր «Խտալիան շինեցինք կը մնայ իտալացիները մարդ ընել»: Պէտք է ամեն լուսամիտ և հայրենասէր թիւրք այս մտածումը ունենայ, պէտք է մարդկայացնել Թիւրքիան և ջնջել անոր մէջէն մահաւան թագաւորութեան հետքերը. պէտք է կերտել կորովի ձեռքերով, բարոյական մեծ շէնքը, առանց որու աշխարհի բոլոր սահմանագրութիւնները ունայնութիւններ են:

Սակայն պէտք է կոյր ըլլալ կարգ մը ցաւալի երևոյթներու վրայ, որոնք բնոյթը ունին մեր հաւատքը մոլորեցնելու: Ատանայի կոտորածին մեծագոյն և գըլխաւոր հեղինակները անպատիժ մնացին—վալին, կարգ մը հեղինակաւոր անձեր և «Իթիտալի» ի խմբագիրը Իհսան Ֆիքրի: Այս պարոնը, իբր թէ գրչի և մտքի մարդ,—և, դժբախտաբար,—ամենէն մեծ ոճրագործը պէտք է համարել, ան եղած է որ խուժանի մոլեռանդ երեւակայութիւնը գրգռած և դէպի արիւն մղած է: Եթէ «Իթիտալ» ի խմբագիրը իսկապէս իթիթիհատական մըն է,—ինչ որ չէ կարելի հաւատալ, որովհետև «Իթիթիհատականները» իրենք առաջին զօհերն եղան արիւնուշտ յետադիմութեան—պէտք է ընդունիլ թէ անոնց շարքերուն մէջ կը գտնուին նոյնքան անարժան ներկայացուցիչներ որ չգիտեն առաքելութեան պաշտօնը կամ ոչխարի մորթով գայլեր են: Ուրիշ մը Վէհիպ պէյ, Պիթիլիսի և Ասնի շրջանի առաքելութեան մէջ, նոյնպէս չէ կրցած իր կոչումին բարձ-

րուժեան վրայ ըլլալ Մեր թղթակիցը ժամանակին նկարագրած էր մեզի անոր երկրի մի գերը հայ և իսլամ ժողովուրդներու միջև, բայց մենք փափկանկատօրէն չհրատարակեցինք. ահա թէ ինչ կը գրէին մեզի Պիթլիսէն «Վէ՛հիպը հոս գալէն ի վեր իրերու դրուժիւնը կարծես միանգամայն փոխեցաւ Այս մարդը որ կը ներկայացնէ Մ. ու Յառաջագիմուժեան կոմիտէն, այնպիսի մի ատելուժիւն սերմանեց, այնպիսի մի վիճբացաւ մեր և մեր դրացի թիւրք ու քիւրդ տարրին միջև, որ ապագային դժարաւ պիտի փակուի... Եթէ ան իր պատկանած կոմիտէի յետին մտքի արտայայտիչն է, հայ ժողովրդի ապագան հեռու է ապահովիչ ըլլալէ»...

Ինչպէս կերևի Վէ՛հիպ պէյը «սկեղէն» ցնծութիւնով մը վերագարձեր է իր առաքելութենէն, և եթէ ընկալածը յաղթանակէր, Վէ՛հիպ պէյը օտարութեան մէջ անտարակոյս աւելի երջանիկ իրապաշտութիւն պիտի գտնէր... իրէպական պատրանքէն յետոյ:

Գոնէ այս երկու փաստերը միեմտարական չեն ոչ Իթիթիհատի կոմիտէին համար, որու մէջ այնքան անձնէր և անկեղծօրէն հայրենասէր գէմբեր կան, ոչ ալ ժողովուրդներու համերաշխութեան տեսակետով, որուն համար հարկաւոր են ազնիւ նկարագրի տէր և լայն գաղափարներով օժտուած անհատներ:

Հայերու թուլացումով ու սրտաբեկումով Սահմանադրութիւնը անպայման ուժեղ կուսան մը պիտի կորսնցնէ պէտք չէ սպաննել անոր մէջ խանդավառութիւնը և արգաւանդ սէրը դէպի նոր ընթիւմը որ, ամեն ժողովուրդներէ աւելի, պէտք ունի կենսունակ բարեշրջումի:

ՌՈՒՍԱՍՏԱՆ

ՎԵՀԱՊԵՏԻ ՈՒՂԵՒՈՐՈՒԹԻՒՆԸ ԵՒ ԵՐԿԻՐԸ

Վարդերով չի սփռած արքայական թափօրի ճանապարհը: Ամեն մի քաղաքիսում — նոր փոթորիկ ցատուով ու անարգանքի: Ամեն մի նոր երկրի շէմբում — նոր ինքնապաշտական օգոստափառ այցելուի ճակատին: «Ծա՛նր է, այո՛, Մօսկովայի զլխարկը» — մտածում է, անշուշտ, Պետերհոֆի կալանաւորը իր դժբախտ ուղևորութեան միջոցին:

Եւ ի՞նչը գրդեց նրան՝ դուրս նետել կալանաւորի իր վիճակից: Արդեօք հանգստանալու, լայն հօրիզոններ փնտրելու տե՛նչը, Համոզեցի՞ն նրան, թէ Յեղափոխութիւնն ընկճած է արդէն, երկիրը անգորր, գահը անսասան... Թէ՞ գուցէ նա մեկնեց բոլորովին հակառակ մտահոգութիւններով:

Այսպէս թէ այնպէս ցարը գբօսնում է, նա վճռել է ցոյց տալ Արևմուտքին իր «սահմանադրական» կերպարանքը և մտադիր է շրջան անել ամբողջ Եւրօպայում: Արևմուտքը դիմաւորում է ցարին: Եւ երկու հակադիր բաղաբակրթական էութիւնները, երկու տարբեր

բարոյագիտական չափերը բաղխում են իրար՝ այդ հանդիսաւոր դիմաւորումի ընթացքում: Մինը — Բ ու Ր ժ ու ա զ ի ա ն, միւսը — ս օ ց ի ա լ ի զ մ ը:

Առաջինը խնկարկում է, երկրորդը՝ նշաւակուս: Առաջինը կեղծում է, երկրորդը — ճշմարտախօս ու վրիժառու Նեմեզիգան — ահաւոր ու սասանեցուցիչ ամբաստանութիւններ է նետում Ռուսաստանի վեհապետի հասցէին:

«An inhuman brute!» ձայնում է սօցիալիստ պատգամաւոր Թօրն անգլիական խիստ բարեկիրթ և մարզած պարլամենտում... Ի՞նչ արժէք ունի այնուհետեւ նախագահի ու ամբողջ բուրժուական մեծամասնութեան կեղծ կոնչիւնը: Բառը նետուած է և նա արդէն շրջան է անում տիեզերական մամուլի մէջ: Պարագաներ կան, ուր բարեկիրթութեան, փափկանկատութեան բոլոր նկատուաները օդն են ցնդում, որպէս խղճալի ու անհանդուրժելի կեղծութիւններ: Եւ կապիտալիստական քաղաքակրթութեան այդ պայմանական կեղծութիւններին դիմագրաւելու պարտականութիւնը ընկած է այսօր միմիայն սօցիալիստ կուսակցութիւնների վրայ, որոնք — եթէ մի կողմից անգոր են տակաւին թուրք կանգնելու աշխարհաւեր բռնութիւնների հոսանքի առջև — դէ՛թ յաջողում են թունաւորել բռնապետական այցելուների և նրանց պաշտպան կամարիլլայի հոգեկան հանգիստը, ժողովուրդների վրէժն ու ատելութիւնը ժայթքելով նրանց երեսին:

Բ ր ա ն տ ի ն գ — շ վ է գ ա կ ա ն պ ար լ ա մ ե ն տ ու մ, Թ օ Ր ն — Ա ն գ ի ի ա կ ա ն, Թ օ Ր է ս — Ֆրանսիական, Մ օ Ր գ ա Ր ի — ի տ ա լ ա կ ա ն պ ար լ ա մ ե ն տ ու մ, մ ի — մ ի պ եր ճ ա խ օ ս ու Ռ ա Տ Վ ի Ր ա ն ն ր ս օց ի ա լ ի զ մ ի ու Ռ ա մ կ ա վ ար ու թ ե ա ն, կ ա տ ար եց ի ն այ դ վ օ ս մ ու ան հր ա ժ ե շ տ պ ար տ ա կ ա ն ու թ իւ ն ը, ամ բող ջ ա զ ա տ ա ս էր մ ար գ կ ու թ ե ա ն հ ի ա ց մ ու ն ք ի ու ծ ա փ ա հ ա Ր ու թ իւ ն ն ր ի տ ա կ ի:

Պարլամենտական շանթերը բաւական չեն դեռ: Խօսքը ժողովուրդներին է, բուն աշխատաւոր ժողովուրդներին, որոնք գաղափարի եղբայրներն են բազմաչարչար Ռուսաստանի յեղափոխական ընդհանրութեան: Եւ ահա պատրաստում են միախնդր ու ցոյցեր տիեզերական մայրաքաղաքում, Labour Party-ի ղեկավարութեամբ: Պատրաստում է սօցիալիզմը նաև «դաշնակից» երկրի մէջ: Ֆրանսիական բուրժուազիան չը պիտի կարողանայ ընդունել ցարին Պարիզում, ոչ իսկ դաւառական որևէ կենտրոնում, այլ հեռաւոր ու սակաւաբնակ նաւահանգիստ Շ եր բ ու Ր գ ի մ էջ: Մա կ այ ն, այ ն տ ե ղ և ս թ ա փ օր ը ա զ ա տ չ ի մ ե այ ժ յ ո Վ ի Ր գ ա կ ա ն ց ոյց եր ից:

Տարագիր իր երկրում, տարագիր ու մէկուսացած ամբողջ աշխարհում...

Բայց ամենաարժանաւայել ընդունելութիւնը պատրաստում է իտալական սօցիալիզմը: Մօրգարիի ճառը և պարլամենտի միջադէպերը ծանուցին արդէն... Երկրի բոլոր ծայրերում միախնդր ու կորովի որոշումներ: Նոյնիսկ ընդհանուր գործադուլի սպառնալիք... ցարի գալստեան առիթով... Հաւանական է թուում, որ վերջինը մի անգամ ևս հրաժարելի իտալական իր ուղևորութիւնից կամ թէ համաձայնի տեսակցել Վիկտօր Էմանուէլ III-ի հետ մի խուլ ու հեռաւոր նաւահանգիստի մէջ:

Հալածած ամեն տեղ... Համիդն անգամ դժեար թէ նախանձէր Նիկոյա 11-ի ճակատագրին:

«Ինչպէ՞ս կընդունէր Աբգիւ Համիդը—հարցնում էր ժողովքի քիչ առաջ արտասանած պարլամենտական իր ճառի մէջ—եթէ նա դար Փրանսիա այն ժամանակ, երբ ներկեած էր հայերի արիւնով: Ինչ կը լինէր հանրապետութեան նախագահի դիրքը ցարի հանդէպ, եթէ նա գնար Ռուսաստան այն վայրկեանին, երբ Նիկոյա 11-ը արեան մէջ խեղդում էր ուս ժողովրդի ազատագրական շարժումը»...

Բողոքի ժխոր է բարձրանում խոյն, բայց ամեն որ զգում է, որ այդ բողոքը շինծու է, բռնազբօսիկ:

«Բայց կը դայ մի օր—շարունակում է հռչակաւոր արիւնը—երբ մարդասպան ցարիզը դատապարտած պիտի լինի թափառելու ծովի վրայ և ոչ մի տեղ չը պիտի կարողանայ ասի իջնել»:

Երբ արգեօք կը գայ այդ օրը...

Դանդաղ է շարժում շղթայակապ վիթխարին, այնուամենայնիւ շարժում է: Ըմբոստութեան աղաղակը մի տեղ խեղդելով, ծայր է տալիս անմիջապէս մի ուրիշ տեղ: Ըմբոստութեան ու անկախութեան ապացոյցներ է տալիս — ո՞վ գարմանք — անգամ երրորդ Գուլամ, «սև Գուլամ»: Աչքի անցրէք վերջին մի շարք հարցանդուները և նրանց հետեանքը: Կամարիլլան չի հանգուրժում նոյնիսկ այդ «սև Գուլամի» գոյութիւնը: Զի հանդուրժում բննադատութիւնները, որոնք տեղում են շարունակ ճակատողման նստարաններէ: Այդ բննադատութիւններն ու խարանուները չեն փոխում իրերի վիճակը, ցարը իհարկէն ընդգրկուողում է իր «ինքնակալ» սելուս պարլամենտական վճիռների վրայ, սակայն Գուլամի ամբիօնից խօսած ճառերը ինքնին վտանգաւոր մի պրօպագանդ են ինքնակալ ընթիմի դէմ: Կատակ բան չէ, երբ սօցիալիստ պատգամաւորը աղաղակում է բռնակալութեան բաստիլի մէջ, ի լուր ամբողջ Ռուսաստանի «թող խորտակի միապետութիւնը»:

Ինչպէ՞ս հանդուրժելու նացող հակասութիւնը Մի կողմից երկրի բոլոր անկիւններում բանտ, արքոր ու կախաղանով հալածել ամեն կարգի յեղափոխականներին ու սօցիալիստներին, միւս կողմից կայսրութեան «գերագոյն» հաստատութեան մէջ սրբագործել նրանց ներկայութիւնն ու պրօպագանդը, անհնջ դնել նրանց մոլեգրին ու գայթակղեցուցիչ խարանուներին:

Կամարիլլան ատում է այդ հակասութիւնը և ձրգտում է վերացնել այն: Նրա բաղձանքն է տննել իբրև կացութեան տէր — սև հարիւր տակեան աղաղակով: Պուրիշկեվիչների ու Մարկովների վոհմակը: Եւ ոչ մի ջանք նա չի խնայում այդ ուղղութեամբ: Տեսնեք բացարձակ, հրապարակական խրատուսանքներ, ուղղած այդ վոհմակին... կայսրի կողմից: Ամբողջ Ռուսաստանը խուլ ու մոլեգնտ ցասունով դիտեց կայսերական դեմոստրատիվ ընդունելութիւնը սև հարիւրակեան պարագլուխ Գուլամիին, որ ստացաւ նոյնիսկ դրամական նպաստ իր մարդասպան շահատակութիւնների համար... Ահա հոկտեմբերեան մանիֆէստի բովանդակ «անկեղծութիւնը»: Երբէք թերևս

յաղթական բեակցիան այդքան բիրտ ու վայրագ ձեռով չէր ցուցադրել իր ամբարտաւան ուժը:

Այո, և ոչ միայն յեղափոխականներէ, այլ «հոկտեմբերեան Գուլամի» գոյութիւնն իսկ ատելի է: Եւ հալածանքը այդ ողորմելի հաստատութեան դէմ մղոււմ է սկզբից ի վեր, նա առանձին ուժ ստացաւ վերջին երկու ամսւայ ընթացքում: Գուլամի «կրիզ» էր և մթնոլորտը սոգորւել էր «պետական հարածի» յամու շնչկներով: Սև հարիւրակեան աղաղակը, մեծ իշխանները և Պետական Խորհրդի մի մասը յանձին դաւաճան Վխտեմբերի որոշել էին տապալել Ստոլիպինին և նորէն տապալէղ կօշել տխրահռչակ Գորեմիկինին, որ դիւրութեամբ կարող էր մաքրել հաշիւները Գուլամի հետ: Վերջինը քէտարկել էր մի «ըմբոստ ընթացք»: Նա որոշել էր Ստոլիպինի համաձայնութեամբ ստեղծել նաւատորմի նոր ընդհանուր սպայակոյտ: Բախտի մի շար հեղուութեամբ Ռուսաստանի յեղափոխութեան դահիճ Ստոլիպինը յայտնում էր թշնամի բեակցիայի և բարեկամ առաջադիմութեան: Բեակցիան այնուամենայնիւ տապալելով հանդերձ նոր ընթացքը, ի վերջոյ, պահեց առաջին միտիստին, խորհելով անշուշտ, որ «պետական հարածը» դեռ վաղաժամ է և որ Ստոլիպին պիտանի ուժ է յեղափոխական համաձայնակի դէմ:

«Սև Գուլամ» աւելի ևս յանդուգն եղաւ հնածեսների դաւանադատութեան նշանաւոր ինդրում: Չայնից պատկառելի մեծամասնութեամբ նա որոշեց լիակատար աղատութիւն տալ Ռուսաստանի տասնեակ միլիոնաւոր աղանդին, ներառործել պետական օրէնքով նրա գոյութիւնը և վերացնել նրա ազատ պրօպագանդի ու տարածման դէմ յարուցած բոլոր արգելքները: Որքան և այդ կարևոր որոշումը պայմանաւորած լինի նեղ շահախնդիր, հատաւծային միտումներով—նա մնում է այնուամենայնիւ, մի նշանակալի իրողութիւն, որի շուրջը միացել էին իրարու հակամարտ կուսակցութիւնները սօցիալիստից մինչև հոկտեմբերեան կենտրոնը: Նշանակալի մանաւանդ այն պատճառով որ հոկտեմբերեան պահանջողական մեծամասնութիւնը յանկարծ թիքոււմ էր դէպի ձախ և դրանով իսկ ազգարարում էր Պետերհօֆի կամարիլլային, որ անգամ երրորդ Գուլամ, որքան էլ նա պահանջողական լինի, հնազանդ, անգոյն թող չի տայ հին ընթիմի ու Գորեմիկինների վերադարձը:

Այո, նա դարձեալ շարժում է շղթայակապ վիթխարին և բեակցիայի բոլոր ճիգերը խորասուղելու նրան լեթարգիական մրափի մէջ—օղն են ցնդում:

«Անորոքացումը» շուտաքայլ չի դնում, չը նայած պաշտօնական յաճախակի ծանուցումներին: Ինչ անդորրացումն է դա, որ կատարում է սեփներով կախաղաններով և զինւորական դատարանների յաւիտեանական ժխորի մէջ: Ինչ խաղաղութիւն է դա, որ դուրում է անգամ հայոց կաթողիկոսի գալստեան տրփի սարքած ցոյցերից, որ գլխապատու արշաւում է կովկասեան ազգերի համերաշխութեան երկչոտ փորձերի դէմ: Պետերբուրգում դրկաբաց ընդունելութիւն ու խոստումներ, իսկ Վովկասում... այնտեղ նոյնիսկ չի թողարարում վրացական ազնականութեան պարզ յարգանքի արտայայտութիւնը կաթողիկոսին, այնտեղ ազատամիտ փոխարքայի հրահանգով արգելք է դրւում նոյնիսկ

քաղաքային դուժային ընդառաջ գնալ հայ ժողովրդի հոգևոր ներկայացուցչին:

Երբ հարկաւոր է կուսցնել ազգերը, Աօրօնցով-դաշխօլի կառավարութիւնը չի կնայում եռանդ ու ջանք.—այժմ նա նոյն եռանդն է ի գործ դնում խեղ-դելու համերաշխութեան ամեն մի արտայայտութիւն, որ երկարաւե մղձաւանջից, եղբայրազու փորձութիւն-ներից ու արհաւիրքներից յետոյ, սկսում է այժմ մերթ ընդ մերթ ճառագայթել կոլկասեան հօրիջօն-ներում՝ հայի վրացու, թուրքի միջև:

Պատրանքները փարատուում են և Աօրօնցովեան ռե-փիւր, որ մեր բծնոց ու տիրացուական լիբերալիզմի ստորաբարձ շահատակութիւններից քաջալերած, բանտ է նետել ամբողջ հայ ինտելիգենցիան, այսօր աւելի դժմոստորատիվ ծանուցանում է իր կատարեալ համե-րաշխութիւնը համառուսական, պօրիշկիկիչեան բա-նակի հետ:

Ա Ջ Ե Ֆ Ի

Նա դերոյանցեց Ազեֆ-տուաշինին... Աւելի հոյակապ սկանդալ աշխարհը չի տեսել: Բորցեկի, հին, մարդած յե-զախիսականը, քրանչէկի հմտութեամբ է կատարում իր խուզարիւ գերը: Նա մերկայրեց Ազեֆին և փրկեց սօց-յեղափոխական կազմակերպութիւնը այդ անօրինակ դաւա-ճանից: Նա այժմ պատուեց դիմակը աւելի խոշոր աժան-պրօֆօկատօրի՝ Հ ա ռ ա ի ն դ-Ղ ա ն դ է ս է ն ի և ադատեց Գրանսիայի մայրաքաղաքը—յս ամբ ընդմիշտ—ուս պօլի-ցիական շահատակութիւններից:

Այնքան ու աղաղակոյ գայթակղութիւն: Ահա մի մարդ, մի հզօր ու ազգեցիկ սատարայ, որ հանդիսանում է ցարի լաւագոյն լիկինապահներից մին, որ հորում է նիկիոյայ II-ի անձնական ապահովութեան մասին, նրա երթուպիան ուղեու-րութիւնների ընթացքում, որ հսկում է բովանդակ Եւրօ-պայում ուսւսասանցի յեղափոխականների վրայ, որ հաս-տատուած է ցարի հրահանգով Պարիզի մէջ, որ վայելում է ուսու դեպանսատան մտերմութիւնը, ունի կապեր ու բարե-կամութիւններ նոյնիսկ Փրանսիական բարձրագոյն՝ հասա-րակութեան մէջ, ունի վերջապէս պատույ լեժիօնի շքանշան և սօլ է, սպիտակ... մի նախկին աճրագործ, մի դուքսիկ լրտես ու agent-provocateur, դատապարտուած դեռ 1890 թ.ին նոյնիսկ Փրանսիական դատարանից:

Կատակ դներով հալածել Թուսաստանի յեղափոխական-ներին, կասկածելի ու վտանգաւոր դարձնել նրանց երոպա-ցիների աչքում և փակել տալ փախստական դարձիչների առջև ազատ Եւրոպայի դռները, ցարիզմի այդ նոյնեալ պատաստըրը գիտում է ամեն տեղ, Գրանսիայում, Շեյցյա-րիայում, բայց հնարաւոր միջոցներին, սպասալք է ձեւա-նում, մտնում յեղափոխական շրջանների մէջ, հրապարտում անփորձ երիտասարդներին, ձեռնարկում նրանց հետ պոյ-թուցիկների ու այլ դաւադրական ձեռնարկների պատրաս-տութեան 1890 թ.ին բռնուում է Պարիզում դատապարտ-ւում մի շարք անմեղների հետ, բայց շուտով ինքը միայն արձակուում: Պետերբուրգի ամենակարող միջամտութեամբ: Անցնում են տարիներ—և ահա նախկին դատապարտեալ Լանդենեն, ղեկւած ցարական հովանաւորութեամբ, նորէն ըյս է ընկնում Պարիզում—արդէն Հ ա ռ ա ի ն դ անունով—և վերսկսում է իր լրտեսական ու դրդաւորական շահատա-կութիւնները:

Բորցեկի ծուղակն ընկաւ Հրապարակը թնդայ այդ ահաւոր գայթակղութեան աղաղակից: Ամբողջ Գրանսիան էր, որ խայթած իր տարրական ինքնասիրութեան մէջ, պա-հանջեց վերջ դնել իր ամօթալի ճարտութեան, իր դաշ-նակցի վարկաբեկիչ, անպատասխար պարբերիչ Սոցիալիստ-ները դարձեալ առաջապահն եղան այդ հրահանգիչ պոյ-

քարի որ սկսելուն պէս յաղթանակեց: Թօրէսի հարցա-պնդման վրայ, միեւնոս-նախագահ Ալեքանոս յայտարարեց, որ Փրանսիական կառավարութիւնը որոշած է այլ ևս չը հանդարտել օտար ստիկանութիւնների դոյութիւնը Գրանս-սիայում: Եւ ամբողջ պարբերաւոր ձեռնամարտ զրատեց այդ աւանական որոշումը:

Հեւագիրը ծանուցանում է, որ անգլիական պարլամեն-տում ևս սօցիալիստները մտադիր են պահանջել կառավա-րութիւնից՝ դուրս բշել անգլիական հողեց ուսու ստիկան-լրտեսների վահանակները...

ՍՕՅ-ՅԵՂԱՓՈՒՍԱԿԱՆ ԿՈՒՍԱԿՑՈՒԹԵԱՆ V ԽՈՐՀՈՒՐԴ

Ընդհանուր ժողովը անհնարին լինելով ներկայ պոյ-մաններում, ուս սօցիալիստ-յեղափոխականները գու-մարեցին նորերս կուսակցութեան Խորհուրդ: Չբազ-մունքի նիւթը ահագին էր: Հարկաւոր էր շտկել—որքան այդ հնարաւոր էր—Ազեֆի դաւաճանութեան հետեւանք աւերածը: Եւ այդ ուղղութեամբ Խորհուրդը ընդունեց մի շարք ծանրակշիւ որոշումներ: Նա ըն-դ ու է ն ե գ հ ի ն կ ե ն տ Ր Օ Ն Ի հ Ր ա ժ ա Ր ա կ ա ն ը: Նա նշանակեց յատուկ բնիչ յանձնաժողով՝ որոշելու համար բոլոր պատասխանատուութիւնները Ազեֆեան գործի մէջ: Նա ընտրեց ն ո Ր Ա ե ն տ Ր Օ Ն ա կ ա ն Ա Օ մ ի տ է: Նա ձեւակերպեց, վերջապէս, մի շարք կարեւոր որոշումներ կազմակերպութեան ու աակտիկի նկատմամբ: Տերրօրային, ահաբեկչական գործունէու-թիւնը մնում է ըստ առաջնոյն կուսակցութեան պոյ-քարի հիմնական մեթօդներից մինը: Ահա թէ ինչ է ասում այդ առթիւ էս-էր-ական Խորհուրդի վերջին ծանուցումը:

Մեր կուսակցութեան վրայ ներկայ շրջանում ընկած են ահագին ու դժուարին պարտաւորութիւններ: Նա միշտ հրապարակ է նետել, իբրև առաջապահ գործօն-կոււի: Նա առաջինը լէնք բարձրացրեց—ուղղակի յարձակման համար—այն ժամանակ, երբ ժողովրդական կեանքի խորքում հասունանում էին այնպիսի ուժեր, որոնք պատրաստ էին արձագանք տալ ուղղի կոչին ու օրի-նակին: Բայց ներքին տագնապը այժմ ևս չէ կարող ստիպել նրան՝ վար դնելու ղէնքը: Ազեֆի մասնակցու-թիւնը տերրօրական մի շարք գործողութիւնների մէջ չը վարկաբեկեց և չէր կարող վարկաբեկել կուսակցու-թեան աչքում կոււի այդ մեթօդը: Որքան աւելի էր պարզում գործի փաստային կողմը, այնքան աւելի և աւելի կուսակցութեան յուզած գիտակցութիւնը գա-լիս էր այն անտարակուսելի եզրակացութեան՝ որ, թէև արկածախնդիր, պրօֆօկատօրի մասնակցութիւնը արգելք չի եղել առանձին խոշոր յաղթանակներին տերրօրի աշխարհում, բայց նա թուլացրել, ուժասպառ է արել ահաբեկչական գործողութիւնը կառավարութեան ու յեղափոխութեան համար վճռական շրջաններում: Ազեֆի մասնակցութիւնը չի թող աւել, որ կոււի այդ մեթօդը արտայայտի իր բովանդակ ուժով, չի թող աւել, որ արտայայտի նաև այն բովանդակ կորովը, որ կուսակ-ցութիւնը կարող էր զարգացնել այդ մեթօդը օգտա-գործելով: Ազեֆի մասնակցութիւնը ուժ է տել կառա-վարութեան ինքնապահովութեան զգացումին, թափ է հաղորդել նրա վճռականութեանը հէնց այն վայր-

կեաններում, երբ կառավարութիւնը ամենից աւելի պէտք է ունեցել այդ վճռականութեան: Եւ եթէ ազգ-վեան պրոֆօկատորութեան յայտնագործումը մի բանի առանձին անհատների մէջ հիասթափութիւն է առաջացրել դէպի տերրորիզմը, — ապա կուսակցութիւնը իր ամբողջութեամբ, իր ճնշող մեծամասնութեամբ՝ Ազգային անկնկալի մէջ գտել է միայն պատասխանը այն հարցին՝ թէ ինչո՞ւ տերրորը չը տւեց Կուսակցութեանն ու Յեղափոխութեանը այն բողոքը, ինչ որ նա կարող էր տալ և ինչ որ նա կը տայ իր վերածնունդին: Այդ խնդրի մէջ Կուսակցութիւնը մնաց իր հին, մարտական դիրքում:»

Թ Ի Ի Ր Ք Ի Ա

Յ Ի Ը Ա Տ Ա Կ Ե Լ Ի Ն Ի Ս Տ

ԻՆՏԵՐՆԱՑԻՈՆԱԼ ԹԻԻՐՔԻԱՅՈՒՄ

„Անցեալ օր միքիկ մը տեղի ունեցաւ Սալոնիկի մէջ, բողոքելու համար այս (սինդիկատային) օրինագծին դէմ. ներկայ տպէին մեր երկիրը պէ՛տք չունի ասանկ բաներու“:

Այդպէս յայտարարեց ներքին գործերի մինիստր Ֆերիզ փաշա՝ գործադուլների և սինդիկատների օրինագծի շուրջը տեղի ունեցած պատմական վիճաբանութիւնների ընթացքում:

Նոյնը շեշտեց հանրագումար աշխատանքների մինիստրութեան ներկայացուցիչ Ալի բէյ, նոյնը հաստատեց պարլամենտի երամական մեծամասնութիւնը. Եւ օրինագիծը տապալեց: Գումարումների և ընկերակցութիւնների ազատութիւնը (liberte de l'association), որ սահմանադրական կեանքի ամենաէական յատկանիշն է, մահացու հարած ստացաւ Մամուլի ազատութիւնը անգթօրէն մկրատելուց յետոյ, հօջանքի և նորատեաց Ֆերիզականների երամը խողխողեց նաև գործադուլի ու ընկերակցութեան իրաւունքը:

Եւ այդ բոլորը կատարեց մի չափազանց օրիփնալ ձևով, որ բաւական զարճալի կը լինէր, եթէ չը լինէր ողբալի: „Ազատ Թիւրքիայի“ այդ տենդային աճապարանքը՝ խեղդելու ամեն ինչ, որ հեռաւոր առնչութիւն ունի սօցիալիստական պրօպագանդի հետ, փակելու բոլոր դռները ժամանակակից դադափարների ու հոսանքների առջև — յարուցանում է արդէն զարմանքի անհասգիստ ժեստեր Եւրօպայի լաւատես շրջաններում: Իսկ Բրիւսելի միջազգային Սօցիալիստական Բիւրօն, շժմած, ըստ երևոյթին, այդ յախուռն ու անմտած քէւարկութիւններից՝ դիմումներ է անում մեզ ու տեղեկութիւններ խնդրում...:

Սօցիալական խնդիրը դուրեց առաջին անգամը պարլամենտի ծոյլ ու յօրանջող մեծամասնութեան առջև և տապալեց, գրեթէ առանց արծարծելու: Հայ պատգամաւորները միայն կարողացան փոքր ինչ ջերմութիւն հաղորդել այդ պաղ ու անհամբոյր մթնոլորտին, շշափելով խնդիրը պատշաճ խորութեամբ և լայնութեամբ:

Ջոհրաբ հեգնեց կառավարութեան ներկայացուցչի միամիտ յայտարարութիւնը, թէ „պէտք է աշխատիլ հաշտեցնել գրամագլուխն ու աշխատանքը“:

— „Գեղեցիկ երազ մըն է ատիկա, բայց երազ մը“: Աւրդգէս շօշափեց հիմնական վերքը ժամանակակից հասարակական կազմակերպութեան:

— „Ֆերիզ փաշան ըսաւ, որ սինտիքաները դէմ են գրամագլխին. եթէ նոյնիսկ այդպէս ըլլայ, դարձեալ վնաս չունի, որովհետեւ գրամագլուխը կազմուած է աշխատատեղերու քրտինքով... Մեր կառավարութեան գլուխը կը գտնուի փաշաներ, փաշազատներ և այլ հարուստ մարդիկ. անոնք չէ, որ պիտի հասկնան բանւորին գրութիւնը: Բանւորները իրենք են, որ պիտի պաշտպանեն իրենց իրաւունքները... Արգելիլ սէնտիքաները, կը նշանակէ կախել ազատութիւնը“:

Ի զուր. Այդ պերճախօս ըմբօսացումներին կառավարութիւնը հակադրում է պառաւ Եւրօպայի զառամեալ պօլիտիկոսների հին նէյնիմները:

— „Պէտք է արգելիլ դասակարգերի հակամարտութիւնը, պէտք է հաշտեցնել կապիտալն ու աշխատանքը, պէտք է դարձնել բանւորին ևս գրամատէր“:

Իսկ ամենից ուշագրաւը Ֆերիզ փաշայի ցանկոտ դատավճիռն է.

— „Մեր երկիրը պէտք չունի ատանկ բաներու“:

Երկիրը, սակայն, բնաւ չի սպասում Ֆերիզ փաշաների ու Ալի բէյերի դեղատոմսին: Նա գնում է այն ճանապարհով, որով քայլել են ուրիշ աւելի առաջադէմ երկրները: Նա զարգանում է, առաջնորդւած նոյն օրէնքներից, որոնցով ղեկավարւում է բոլոր հասարակութիւնների էւօլիւցիան:

Եւ ահա դրա մի պերճախօս ապացոյցը մեր աչքի առջև: Մեզ հաղորդում են հաստատ աղբիւրից, որ Յեղափոխութեան որրան — Սալօնիկում կազմակերպւել է բանւորական դաշնակցութիւն, որը արդէն դիմում է արել Բրիւսելի Սօցիալիստական Բիւրօյին, խնդրելով ընդունել տալ զինքը միջազգային սօցիալիստական դերգաստանի մէջ: Այդ նոյն դաշնակցութիւնն է, որ բողոքել է սինդիկատային օրինագծի դէմ և որի առթիւ ցատում է յայտնում Ֆերիզ փաշան պարլամենտի մէջ:

Սալօնիկի բանւորական դաշնակցութիւնը հաղորդում է սօցիալիստական Բիւրօյին իր նոր գումարած միթինգի մասին, որին մասնակցել են 6000-ի չափ աշխատաւորներ այլ և այլ ազգութիւններից և արհեստներից: Նա հաղորդում է, որ մտադիր է կազմակերպել բովանդակ Թիւրքիայի հարստահարած բանւորութիւնը առանց խորութեան ազգի ու կրօնի: Նա կը կազմէ և սինդիկատներ, կը վարէ գործադուլներ այլևայլ ձեղերում: Նա ունի արդէն իր հրատարակութիւնները և պիտի տարածէ գրչով ու խօսքով սօցիալիզմի ու միջազգային համերաշխութեան մեծ գաղափարը:

Ի սրտէ ողջունում ենք այդ նոր երևոյթը, որ գալիս է քաջալերելու Թիւրքիոյ առաջադիմութեան բոլոր անկեղծ բարեկամներին: Ինչպէս յայտնի է, մինչև օրս Հ. Յ. Դաշնակցութիւնը միակ կազմակերպութիւնն է Տաճկաստանում, որ ունի ուրոյն ներկայացուցչութեան իրա-

ուներ Ի ն ա ե ռ ն ա ց ի օ ն ա լ ի, այսինքն միջազգային ընկերվարական Գաշնակցութեան մէջ: Գեո անցեալ հոկտեմբերին, երբ նրա պատերազմ ողջունում էր այդ Ինտերնացիոնալը Բրիւսէլում գումարած միջազգային միթինգի մէջ, միահամուռ բաղձանք յայտնեց, որ Թիւրքիայի միւս ժողովուրդները ևս ըստ կարելոյն շուտով գրկեն արեւմտեան փրկարար վարդապետութեան դրօշակը: Այսօր այդ բաղձանքն իրականանալու վրայ է կարծես: Պատմական Սալօնիկը, յեղափոխութեան շեփորը հնչեցնելուց յետոյ, գալիս է այժմ հնչեցնելու սօցիալիզմի բարոյը: Նա գալիս է պարլամենտի հայ առաջադէմ պատգամաւորների հետ ներդաշնակ իր բողոքն արտասանելու յետագէմ օրինագծերի առթիւ: Ինչ կարող է անել կառավարութիւնը նոր հոսանքի բարձրացող ալիքների դէմ: Եթէ նա—համաձայն իր օրինագծին ու պատժական սպառնալիքներին— սկսէ արշաւանք բանտորական շարժման դէմ, ճնշէ բռնութեամբ գործադուլի ու սինդիկատի իրաւունքը,—սօցիալիստները պիտի դիմեն այն ժամանակ գ ա ղ տ ն ի գ ո թ ու ն է ու թ ե ա ն... Ինչպէս բռնապետական Ռուսաստանում:

Գաղափարը նետած է արդէն: Նա կը տարածւի ու կ'արգասաւորուի: Մեր անվերապահ համակրանքն ենք յայտնում Սալօնիկի ու Մակեդոնիոյ նորաբողոք կազմակերպութիւններին և մեր անկեղծ պատրաստակաւնութիւնը՝ հերկելու մէկտեղ չամբարաշի ճիգերով խոպան հողը: Յանկանք, որ աշխատաւորական կազմակերպութեան ցանցերը տարածւին մանաւանդ Թիւրք ազգաբնակչութեան մէջ, ցանկանք, որ զինուորագրւի մանաւանդ Թիւրք առաջադէմ երիտասարդութիւնը: Սօցիալիստական Ինտերնացիոնալի գաղափարը մէկն է—Թերեւ հզօրագոյնը—այն շաղկաններից, որ պիտի մօտեցնէ բազմացեղ ու հակամարտ ժողովուրդներին, ի դէմս միջազգայնորէն հարստահարած ու շահերով ազգակից աշխատաւոր զանգաւանների, և պիտի ստեղծէ ի վերջոյ կուռ, համբարաշի ամբողջական Տաճկաստանը...

Կ Ի Լ Ի Կ Ե Ա Ն Ս Ա Ր Ս Ա Փ Ն Ե Ր

Ատանա, 13 յունիս

Քանի երկրի խորքերը կը մտնես այնքան պատկերը կը ծանրանայ և դէպքերը կը մեծնան: Չոհեբու թիւր 15 հազարէն աւելի կըլլայ: Սպաննաւածներու ինք տասներորդը աշխատող կործ հասակի մէջ տղամարդիկ են, ամեն մէկը ամբողջ ընտանիքի մը նեցուկ: Այս տարւայ լաւ հունձքը ճամբորդութեան ազատութիւնը և սովը Հայաստանի մէջ այս կողմը նետած էր հայերու, ասորիներու ու քրդերու բազմութիւն մը: Մօտաւոր հաշուով 100 քրիստոնեայ ազգաբնակիչներէն իւրաքանչիւրին մէջ այս տարի կաշխատէր 100—300 քրիստոնեայ բանւոր: 15,000 հնձորներէն 10—12,000 ը հաշւելու է հայ (չհաշւած տեղացիները):

Չինուորական ատեանը սկսեց իր քայլը սխալով: Կախած 6 հայերէն 2-ը, դէպքերու սկիզբէն եղած են ճեղքութիւններու և բողոքականներու մօտ: Յանցանքի պարագային իսկ երեք եղբայրներու կախիւրը չլուած բան է, սա չափազանց է: Եթէ զինուորական ատեանը այսպիսի «անաշուտութիւն» ցոյց տայ առհասարակ, պէտք է առնուազն 10—12,000 սոյց տայ առհասարակ, պէտք է առնուազն 10—12,000 մահապատիւ կախիւն: Մեղքը քիչ ալ նախկին նախաքննութիւն կատարող յանձնաժողովինն է, որ բոլորովին անվստահ

հել կազմ ունէր: Յամենայն դէպս մինչև որ չըլլան բաւական թւով նախաքննիչ ատեաններ խառն տարրերէ բաղկացած, դժուար է որդարութիւնը վերականգնել: Թալանադներէն, կողոպտողներէն պահանջելու է վնասները արժէքաւոր բաները ծախսած, թաղած են:

Գործի դեռ սկիզբն է, դժուար է գուշակել արդեօք միմիայն մահապատիւներէ բաղկացած ատեանը պիտի կրնայ ցոյց տալ անհրաժեշտ անաշուտութիւնը: Գեո քիչ սպասելու է:

Փ Ո Ք Ե Ր Հ Ա Յ Ք Ի Հ Ա Յ Ե Ր Ը

ՏՆՏԵՍԱԿԱՆ ԱԻՃԱԿԸ ԲԱՂԱՔՆԵՐՈՒՆ ՄԷՋ

Գիւղական կեանքի անտեսապէս մահաձուրձ վիճակը՝ դիւրացիական համայնքներու անտեսական գրութեան բողոքով մը, ինչպէս ամենուրեք, նոյնպէս և այս շրջանին մէջ ունեցած է իր հսկայ ազդեցութիւնը բաղադրի ազգաբնակչութեան վրայ:

Պատճառի և արդիւնքի հետեւողականութեան տրամաբանութիւնը այս պարագային շատ պարզ է: Գիւղը աղքատանալով արտերը անաշխատ մնալով ցորենը նւազելով, ուտեստի-հացի գինը բնականօրէն բարձրացած է նաև բաղադրներուն մէջ և մանր արհեստաւորութիւնը ու բոլորովին սեփականագուրկ աշխատաւորութիւնը իրենց կարգին բռնած են անթի մնալու սարսափէն: Եւ ալ անկէ ետքը բազմաճիւղ ընտանիքներ—որովհետեւ Թիւրքիոյ բոլոր բոյց մանաւանդ հայ ընտանիքները միշտ բազմաճիւղ են (տասը, քսան, երբեմն 30 հոգի մէկ տան մէջ)—բաւականաչափ հաց գանելու համար ստիպւած են այլ թէ կին, չափահաս թէ անչափահաս բոլորը միասին գուրս թափելի աշխատանք փնտնելու: Ասանկով այստեղ ալ ինչպէս ամենուրեք, աշխատող ձեռքերու մատուցումը աւելնալով անոնց արժէքը, օրովաւրձը կամ կապալով գործերու աշխատավարձը նւազած է:

Եւ հիմա կը տեսնենք անտեսական խղճալի գրութիւն մը Փոքր-Հայքի գրեթէ բոլոր բաղադրներուն մէջ ալ:

Մանր արհեստաւորութիւնը, դարձեալ կերպով մը կը բաշխուտէ իր գոյութիւնը որովհետեւ ինչ ինչ ձեւերու համար տակաւին չէ ստեղծւած այս կողմերը ճարտարութեամբ (La grande industrie) ըսւածը—այսպէս են մանուսյագործները, կտաւագործները, կահագործները, կոշիկակարները, դերձակները, երկաթագործները, մտավաճառները, շրջիկ փերեզակները և այլն: Թէև սա կարգի աշխատաւորութեան համար այս պայպան բողոքովին սև է և յուսահատական, քանի որ արդէն իսկ կապիտալիզմը գանձը ալ ոչնչացնելու, գանձը ալ պրօլետարացնելու իր գործը սկսած է ու կը շարունակէ ոչ միայն եւանդով այլ և յաճողութեամբ: Օրինակի համար, մինչդեռ սկիզբները կահագործ մը ինք կ'աշխատէր իր խանութին մէջ ամենաշատը մէկ կամ երկու օգնականներով ու կը վայելէր իր աշխատանքի արդիւնքը, հիմա կը տեսնուի արդէն որ քիչ շատ դրամ ունեցող վարպետ կահագործ մը կրակսի օր ավարտով աշխատեցնել մէկ բանի արհեստաւորներ և անոնց աշխատութեան արդիւնքը վայելել: Աւ այս երեւոյթը կը տեսնուի միւս բոլոր արհեստներուն մէջ ալ առաւել կամ նւազ չափով:

Սա արդէն սկզբնաւորութիւնն է վերջին, այսինքն սկիզբն է մանր արհեստաւորութեան հոգեւարքին և այստեստեան ձեռք բերւած քիչ թէ շատ քաղաքական ազատութեան շնորհիւ նա հետագայէն աւելի պիտի զարգանայ և պիտի ջնջէ անշուշտ մանր արհեստաւորութիւնը այժմուս փոքրիկ մասնաւոր աշխատանքները վերածելով կապիտալիստական խոշոր ձեռնարկներու:

Կտաւագործութիւնը որ այս շրջանին մէջ բաւական չափաբեր աշխատութիւն մըն էր արհեստաւորութեան համար, ասիկէ առաջ, երբ սա ինք կ'արտադրէր և ինք

կը վաճառէր, հիմա արդէն սկսած է նւազիլ ճիշտ այն համեմատութեամբ, որով սկսած են շատաւ ուրիշներուն օրավարձով կամ կապարով կտաւ գործել աւող և վաճառողները:

Այսքան մէկ-երկու հարեանցի խօսք անցնելու, ինչպէս վրայ եղող մանր արհեստաւորութեան մասին բնիկ յետոյ մենք կ'անցնինք արդէն բուն ցաւին, խեղճան պրօլետարիային, քանի որ ոչ միայն նա գոյութիւն ունի այս շրջանին մէջ իր խեղճան ասուով, այլ նաև անոր համար որ, ոչ շատ հեռու արագայի մէջ միւսներուն ալ հանդրան գրութիւնը պիտի ըլլայ նոյնը:

Փոքր Հայքի մէջ կայ բնի խեղճան պրօլետարիա, — սեփականապէս բանւորութիւն, որովհետեւ կայ նաև համեմատաբար մեծ ճարտարաբանական ինչ ինչ ճիւղերու համար: — Ամասիոյ մէջ կան ալիւրի մեծ գործարաններ և մետաքսի և խոզակի մէկ քանի գործարաններ, Մարզանի մէջ՝ կտաւի բազմաթիւ գործարաններ, Թօքթասի մէջ՝ բազմաթիւ գործարաններ, կաղնիքի և տպագրի, ինչպէս նաև պղնձի հալոցներ ու պղնձագործութեան մեծ աշխատանոցներ, Սեբաստիոյ մէջ՝ մեծ գործարաններ գորգաշինութեան, խարբերի մէջ՝ մետաքսի գործարաններ և երկաթի ձուլարան մը, Արարիկի մէջ՝ մանուշակագործութեան աշխատանոցներ, և այս՝ ինչպէս որակեցի ևս զանոնք՝ համեմատաբար «մեծ» ճարտարաբանութեան փակասապէս աշխատաւոր դարձուցած է մօտ 2500 հոգի, որոնց ամենապէս հարիւրին 60 ը կ'են:

Այլ փոստերուն մէջ ոչ որ չէ մնացած, բացի ծեր և սրտաւ անկարողներէն, միւսները բոլորը կ'աշխատեն: Առանց չափապահութեան պէտք է ըսել որ 3—4 տարեկան փոքրիկ աղջիկներ արդէն քաջած են գորգաշինութեան կամ մանուշակագործութեան «թէգիկահայեր» առկա և երբ խեղճ երեխաները սարսափած երկարատեւ աշխատանքէն, պարտասնեքէն, երբեմն առաւօտները կը մերժեն երթալ «Փայրիգա», որ գոթիք կ'երևայ իրենց աչքին, կան մասնաւոր անձեր, յաճախ տարեքոս կ'են, կամ մանուշակ քահանաներ, որոնք շարքերէններով կը խրախուսեն զանոնք գէպի խամրեցուցիչ «թէգիկահայեր»:

Փոքր-Հայքի սիրան է Սեբաստիան և անտեսական պայքարի պահանջ մը այնքան ուժեղ, որքան եւրօպական ճարտարաբանութիւն մեծ կեղծոններուն մէջ, կըզգացել այստեղ: Ամենէն աւելի գործարաններ այստեղ կան և հաւեաբար նաև ամենէն շատ պրօլետար այստեղ գոյութիւն ունի, գրութիւն մը արժանի հետաքրքրութեան և որ պարզելով կարող է ինք իբրև պատկերը ներկայանալ նաև միւս քաղաքներու բանւորական կացութեան:

Սեբաստիոյ մէջ ինչպէս բնի տիրապետող ճարտարաբանութեան գորգաշինութիւնն է: Այստեղ գոյութիւն ունին 10—11 ֆիրմաներ 2000 էն 30—40,000 օտմ ոսկի գրամագուլով, որոնք կը բանեցնեն 30 ի չափ գորգի աշխատանոցներ, արտադրելով մեծ մասամբ շքեղանքի (luxe) առարկաներ, յաճախ գեղարեւեստական ու շատ ճաշակաւոր, և յատկացած արտաճութեան՝ գէպի ձոխութեան ու հարստութեան կեղծոններ, Եգիպտոս, Եւրօպա և Ամերիկա:

Այս երեսուն գործարաններուն մէջ կ'աշխատին 3000—3500 բանւորութիւններ, բոլորը մանկամարդ աղջիկներ, ամուսնացած կ'են, որոնք աշխատանքը տան վերապահած ըլլալով, և մեծամասնութեամբ հայ: Թիւրք աղջիկներ նոր սկսած են ինչպէ գործատուն և տակաւին նշանակելի թիւ մը չեն կազմեր:

Այս բանւորութիւններու կեանքին վերլուծումը կը բուէ պայտուցանելու համար անտեսական ցաւին խորութեան ահաւորութիւնը մեր բնաշխարհին այս բաժնին մէջ, բանւորութիւնները ինչպէս քիչ վերը ըսի, արդէն իրենց 3—4 տարեկան եղած ժամանակէն սկսեալ կը յանձնելին գործատուն իրենց ծնողքին և ուրիշ ազգեցիկ անձերու կողմէ հապար համազօր խօսքերով և անոնց երեխայական հոգին ծաղիկներով կամ քաղցրաւունքներով խորխորով: Երեք-չորս տարեկան աղջակը նախ ամիս մը օրական 12—12 ժամ կ'աշխատի ձրի, որպէսզի սօրվի ծառայել

և յետոյ վարժելի գործատան միջավայրին, այդ մէկ ամսան շրջանին, որուն շատ անգամ անունը միայն մէկ ամիս ըլլալով, յաճախ, ըստ գործարանատիրոջ քմահաճոյքին, կրնայ մինչև երեք ամիս երկարել, փոքրիկ գործաւորութիւն տունը չունենալով ուտելիք, կ'ապրի իրմէ մեծ բանւորութիւններու չոր հացին աւելցուցնելով: Երբ մը ժամանակ անցնելէ յետոյ գրութիւնը կը փոխել «սկսնակ օգնական» կը բարձրանայ արդէն «օգնական բանւորութիւն» վեճակին և կըսկսի ստանալ օրական 10 փարա (5 սանախ)՝ աշխատաւոր: միշտ ամենապէս 10—12 ժաման աշխատանքի համար: Իսկ քիչ մըն ալ յետոյ, երբ նա արդէն 6—7—8 տարեկան ըլլայ ու սկսի ուղղակի մասնակցութիւն ունենալ գորգը, հիւսելու գործին մէջ, իր օրավարձն ալ կը բարձրանայ 10—15—20 կամ մաքրման 30 փարայ, բայց այդ ժամանակ արդէն իր աշխատանքը շատ ծանր է, մանուշակագործութեամբ և արագութեամբ հեռելի վարպետ բանւորութիւն՝ աշխատութեան եղանակին և արտադրած գործին որպէսզի ինքն ալ օր առաջ կարենայ հասնիլ նոյն «ցանկալի» դիրքին: Գործարանատէրը ալ միշտ կը խրախուսէ նա սիրով և «հոգաւոր-մարմնով» աշխատելով կարելի եղածին չափ շուտով դառնայ «վարպետ», բնի մը, որմէ ինք շահեր կ'ահեկալէ. — վարպետ բանւորութիւններու թիւը շատնալով, մատուցումն ալ կը շատնայ և վարձատրութիւնը կարելի կ'ըլլայ նւազեցնել:

(Շարունակելի):

Բ Ա Ղ Ա Ք Ա Կ Ա Ն Տ Ե Ս Ո Ւ Թ Ի Ի Ն

Ժ Ա Մ Ա Ն Ա Կ Ա Կ Ի Ց Կ Ն Ճ Ի Ռ Ն Ե Ր

Ա Չ Գ Ա Յ Ի Ն Ն Շ Ա Ն Ա Ռ Ա Ն Ը

Ասել էին 19-րդ դարը ազգայնական խնդրի դարն է, 20-րդը պիտի լինի սօցիալական խնդրի դարը: Մէկ կնձիւր պիտի սպառէր — այդ մարգարէութեան համաձայն — և պիտի տեղի տար միւսին:

Այդպէս չեղաւ սակայն: 19-րդ դարը չբապտեց ազգայնական պրօբլեմը, նա չը լուծեց ազգերի գոյութեան ու փոխադարձ յարաբերութեան մեծ հանգոյցը և բազմաթիւ բարդ կնձիւրներ ժառանգեց իր յաջորդին:

Չիրագործեց մարգարէութիւնը և այն մի կարգ հասարակական վերանորոգիչներին՝ որոնք գրչի մի շարժումով, դեռ անցեալ դարու բառասնական թւականներին, ընծիլ ուղեցին ազգ ու ազգային հարց համաշխարհային էջօլիւցիայի քարտէզին և հռչակեցին ազգ երկի ձուլումը, մօտ ապագայում՝ կոմունիստական, համայնատիրական կարգերի մէջ:

Ազգային դիմակցութիւնը շեշտում է այսօր քաղաքակրթութեան ու կիսակրթ երկրագնդի բոլոր ծայրերում և ինքը սօցիալիստական բնտերնացիօնալը, որ երբեմն թեթեւ սրտով արձամարհում էր հասարակական այդ ահագին գործօնի գերը, վերածելով այն լոկ աղն տեսական, արդիւնաբերական յարաբերութիւնների — այսօր ստիպած է միշտ աւելի և աւելի՝ զբաղել նրանով:

Ազգերի հակամարտութիւնը չի վերանում, անգամ այնպիսի երկրներում — Գերմանիա, Աւստրիա, Ռուսաստան — ուր միջազգային սօցիալիզմը նւաճել է միլիոնաւոր կողմնակիցներ, աշխատաւոր, մտաւորական ու այլ

դասակարգերից: Աւստրիա և Ռուսաստան այն պետու-
թիւններն էին, ուր ազգային հարցը ներքին քաղաքա-
կանութեան դժարադրոյն կնճիւն է այսօր նրանց
աւելանում է ազատագրած Տաճկաստանը, ուր մինչև
օրս ազգերի ու դասակարգերի ներհակութիւնները
արհեստականորէն խեղդուած էին քաղաքական բռնա-
կալութեան լծի տակ, իսկ այժմ ահա ծաւալուում են
իրենց բովանդակ ուժով ու կատարութեամբ:

Հակամարտութիւնը չի վերանում, տեղ-տեղ նոյնիսկ
թափ է առնում, սպառնալով վերսկսել այն արիւնոտ
ու խօլական բաղադրանքների շարունակ, որ անցնում է
կարմիր գծով ամբողջ 19-րդ դարի միջից...

Անշուշտ, քաղաքակրթութեան և համաշխարհային
էությունցիայի հիմնական ձգտումը մնում է անդրդեւելի
նա տանում է որդր-մորդ շաւիղներով դէպի իդէալա-
կան այն վիճակը, ուր պիտի մարին վերջնականապէս
մարդկութիւնը պատառոտող անջատողական ակորթակ-
ները, ուր ոչ միայն իւրաքանչիւր ազգի բոլոր ան-
դամները պիտի վայելեն լիակատար իրաւահասարակու-
թիւն, անդատութիւն ու բարօրութիւն, այլ և բոլոր
ազգերը պիտի վայելեն նոյն բարօրութիւնն ու իրա-
ւահասարակութիւնը միեւնոյն ընդհանուր համամարդ-
կային գերդաստանի մէջ: Նա տանում է դէպի այն
ճշմարիտ «ոսկէ դարը» — որ անցեալում չը պէտք է
փնտրել այլ անպագայում — որին ձգտել են մարդկու-
թեան լուսագոյն զաւակները յընթաց ամբողջ տիե-
զերական պատմութեան և որի գրկում ազատութեան
ու հաւասարութեան դադարները պիտի դառնան
անկապտելի սեփականութիւն այն բոլոր էակների —
այսօր խուժուրժ, վայրենի ու բարբարոս — որոնք մարդ-
կային կերպարանք ունին...

Այդպէս է հրահանգում պրօգրէսի, առաջադիմու-
թեան մեծ օրէնքը, որ անժխտելի կերպով հաստատ-
ւած է պատմութեան փիլիսոփայութեան մէջ: այդպէս է
մարդկային բովանդակ զարգացման ու ամփոփանական
կատարելագործման նպատակը:

Աւսդ, սարսափելի է զարգացման այդ ծանապարհը,
ցանած ծայրէ-ծայր արիւնով ու արտասուքով: Երկու
յարակից տիեզերական ուժերը այդտեղ ևս գործում
են մշտնջենաւոր մրցութեան մէջ: Չ գ ո ղ ու լ -
թիւն և վ ա ն ո ղ ու լ թիւն (attraction — re-
pulsion), կամ սօցիօզօգիական բարբառով համե-
րա շխ ու լ թիւն և կ ո իւ: Այդ երկու հակասեա-
կանները վարում են ամբողջ օրգանաւոր և անօրգան տիե-
զերքի ճակատագիրը, նրանց օրէնքին ենթարկուում է
անասնական աշխարհի էությունցիան, նրանցով ղեկավար-
ւում է և մարդկային համայնքների ու նրանց փոխա-
դարձ յարաբերութիւնների զարգացումը:

Մի կողմից կոիւ, միւս կողմից համերաշխութիւն
համերաշխութիւն — յանուն կոիւ և դէպի կոիւ...

Անշուշտ և անասնական տիեզերքում այդ երկու
հակասեանները — ձգողութիւն և վանողութիւն — գոր-
ծում են կոյր անողոր, տարերային ճակատագրակա-
նութեամբ: Այնչէ չի կարող արգելել նրանց, փոխել
բարեխաւել նրանց ընթացքը: Գոյութեան կոիւն անաս-
նական աշխարհում, չը նայած իր հակասեայ-համե-
րաշխութեան բնագրին (որ շեշտուում է առանձին-
առանձին տեսակների մէջ) յաւիտեանքն աւերիչ է,

յաւիտեանքն արիւնալի: Նրա զօհները — իբրև կոյր գոր-
ծիքներ տիեզերական աղբակների — չեն կարող հակադ-
րել դարվիտական այդ անողորմ օրէնքի դէմ: Բայց
մարդկութիւնը անասնութիւն չէ: Մարդիկ գիտակից
էակներ են, որ կարող են միշտ միջամտել հասարա-
կական, նոյնիսկ բնական աղբակների խողերի մէջ և
տալ նրանց իրենց շահերին նպաստուոր, ուղղութիւն:
Մարդիկ իրենք են ստեղծում իրենց պատմութիւնը —
հրահանգւած յաճախ նոյն բնական ու հասարակական
աղբակներից — իրենք են վարում իրենց ճակատագիրը
և հետզհետէ զարգանալով ու կատարելագործելով
այդ գիտակից կամքով ու նախաձեռնութեամբ օժտւած
էակները պիտի կարողանան աստիճանաբար մեղմել
թուլացնել հակասեաններից մէկի ուժը ի նպաստ
միւսի, մեղմել «կոիւ» և «վանողութիւնը» ի նպաստ
«համերաշխութեան» կամ «ձգողութեան»: Այդպէս է
ընթանում մարդկային էությունցիան, այդպէս էլ կըն-
թանայ նա մինչև որ հասցնէ ազգերի ու անհատների
լիակատար իրաւահասարակութեան «ոսկէ դարին»:

Մինչ այն կոիւ է:

Արդարև, տեսէք ապշեցուցիչ հակօրինութիւնը ժա-
մանակակից քաղաքակրթութեան: Նրան իրաւամբ ան-
ւանել են կապիտալիստական, դրամատիրական քաղաքա-
կրթութիւն: Նրա մէջ գտնում ենք խոր ու ցայտուն երկ-
ու թիւն: Նա մի կողմից սերտ կապերով շաղկա-
պ ու մ է երկրագնդի բոլոր ծայրերի ազգութիւնները,
հարցրակից անելով նրանց նոյն զարգացած կապիտա-
լիստական արդիւնաբերութեան և կուլտուրայի բարեբ-
ներին ու շարիքներին: Բայց նա միւս կողմից և միա-
ժամանակ խորունկ կերպով բաժանուում է այդ
ազգերին, թունաւորում է նրանց փոխադարձ յարա-
բերութիւնները, սերմանում է ատելութիւն, արիւնոտ
մրցում և ձգտում է յաւերժացնել մարդասպան պա-
տերազմների մղձաւանջը...

Տեսէք մի կողմից միջազգայնութեան, համաշխար-
հայնութեան (cosmopolitisme) այդ մեծ յորձանքը,
որ կառուցանում է այնքան հոյակապ հաստատութիւն-
ներ — առևտրական, մաքսային ու այլ դաշինքներ,
Համաշխարհային փոստ-հեռագրական, Բնկերակցութիւն,
Համաշխարհային Խաղաղութեան Բիւրօ, միջնորդ ու
իրաւարար աստեաններ, գրականութեան ու մամուլի
դաշնադրութիւններ և ամեն տեսակ միջազգային հա-
մագումարներ, կօնգրէսներ, որոնք բոլորն էլ իբրև
արդասիբ կապիտալիստական դարաշրջանի, կոչւած են
դիւրացնելու թէ նիւթական բարիքների և թէ մաքերի
փոխանակութիւնը այլ և այլ ժողովուրդների միջև...
Տեսէք, մանաւանդ, այդ նոր, վեհապանծ Իստերնացիօ-
նալը, միջազգային սօցիալիստական նոր մարդկութիւնը,
որ բարձրանում է ժամանակակից աշխարհի մէջ, իբրև
նոյնպէս հարազատ ծնունդ կապիտալիզմի, և որ ի մի
ձուլելով բոլոր ազգերի աշխատաւոր զանգուածները,
մարդկով նրանց համերաշխութեան ու եղբայրութեան
դպրոցի մէջ, հրաշակեալում է վաղւան իդէալական
հաւասարութեան թագաւորութիւնը:

Բայց և տեսէք միւս կողմից, միջազգայնութեան այդ
վիթխարի հոսանքի հանդէպ նեղմիտ, գծու ձնացիօնալիզմի
ու մարդակեր շօվինիզմի համաձարակը, որ վարակել է
ժամանակակից գրեթէ ամբողջ մարդկութիւնը, որ

առնահարում է աշխարհի բոլոր սրբութիւնները, որ գրոհ է տալիս համերաշխութեան ու մարդկայնութեան գաղափարի դէմ ամեն անգամ, երբ գասակարգային առանձնաշնորհումները վտանգուում են, կամ երբ նրանք ձգտում են ընդլայնել իրենց տիրապետութեան հօրի-գօնները և յագուրդ տալ իրենց գիշատիչ, նւաճողական ակորթակներին:

Կրօնն անգամ — քրիստոնէութիւն, բողոքականութիւն, կաթօլիկութիւն — որ է իրօք միջազգային ու համաշխարհայնական, որ քարոզում է ամեն օր սէր ու եղբայրութիւն մարդկանց միջև, որ ընդունում է մէկ Աստուած միայն, հովանաւորող ամբողջ մարդկութեան, մէկ Արեգակ, լուսաւորող հաւասարապէս բոլոր ազգերին, առանց խարութեան ցեղի ու գոյնի — կրօնն անգամ ի դէմս իր բոլոր ճիւղաւորութիւնների, յանձին իր բոլոր սպասուորող գասակարգերի՝ պատրաստ է իսկոյն դաւաճանել իր քարոզներին, պատրաստ է իսկոյն գրկել ամենաբիրտ ազգայնամոլութեան դրօշակը և խրախուսել ժողովրդասպան ընդհարումները — հէնց որ այդ կաստ-գասակարգերի նիւթական ու այլ առանձնաշնորհումները վտանգուած են լինում, կամ հէնց որ նրանք փորձ են անում նւաճելու՝ նոր ազդեցութեան շրջաններ...

„Ազգային“ բառի տեղ — ժամանակակից փոթորկոտ բաղիտումների ու բանակիւնների ընթացքում — յաճախ լուում է „ցեղային“ բառը, ազգայնական հակամարտութիւնը մերթ ընդ մերթ վերածուում է ցեղականի: Մենք տեսնում ենք երկու հօր ցեղեր, սլավօնականութիւն և գերմանականութիւն, որ մղում են օրհասական մենամարտ՝ Արևելքի տիրապետութեան համար, — մէկը Ռուսաստանի, միւսը Գերմանիայի առաջնորդութեամբ: Մենք տեսնք երկու տիտանների ուժգին բաղիտումը Բոսնիա-Հերցեգովինայի գրաւման ժամանակ: Պանգերմանիզմի հռչակաւոր *Drang*-ը մի խոշոր քայլ ևս արեց դէպի առաջ և այդ յաղթական արշաւանքի հանդէպ սլաւօնականութիւնը մէկէն իմէկ սասանեց Գրինայի արիւրից մինչև Կեմպ... Տեսնք համասլավօնութեան կատաղի ցոյցեր, սլավ ազգերի պատգամաւորական համագումարներ ու անոյժ ժեստեր... Գարձեալ նորագոյն կապիտալիզմի ամենագոր քմահաճոյքն է, որ միջազգային շուկայի շուրջը մղած իր ցասկոտ ընդհարումների մէջ կարողանում է միացնել — թէկուզ և ժամանակաւորապէս — միևնոյն ցեղի յաճախ հակամարտ հատուածները, ազգութիւնները ի դէմս նրանց իշխող բուրժուա և աւատական գասակարգերի...

Մակայն, բոլոր ժամանակակից ազգայնական հակառակութիւնները — նոյնիսկ խոշոր ազգերի միջև — ծնունդ չեն ստակ կապիտալիստական դարաշրջանի և բէժիմի: Բոլոր ազգային ընդհարումները չեն առաջանում իշխող բուրժուա գասակարգերի մրցակցութիւնից, չեն պայմանաւորուում լոկ նրանց հակամարտ ակորթակներով: Անտարակոյս, արիւրեական կապիտալիզմի մրցման քուրայում սասականում են այդ հակառակութիւնները, բայց այդ քուրան միայն չի ստեղծել նրանց: Ազգային մրցում ու կռիւներ կան, որ գոյութիւն ունին դարերից ի վեր, որ չեն վերածուում անտեսական գործօնների խաղերին, որ բղիտում են ուրիշ կարգի պատճառ-

ներից: Ազգային ճնշումներ կան, որ չեն գալիս միմիայն իշխող գասակարգերից, այլ որ գործադրուում են ազգովին, հաւաքականօրէն. գործադրուում են տիրող ազգի ընդհանրութեան կողմից՝ ընդդէմ հպատակ ու թող ազգի ընդհանրութեան: Գասակարգերի մրցութեամբ չէ, որ պիտի բացատրել լեզուների այն ահարկու պատերազմը, որ մղուում է երկար տարիներից ի վեր աւստրո-ուկրաբական թագաւորութեան մէջ, չեխերի ու գերմանացիների, ռուսիների ու լեհերի, ռումինների ու մալանների միջև: Բօհէմիայում երբեմն ամբողջ փոթորիկ էր պայթում „բառերի“ շուրջը... լինի՞ գրեւծ „Zde“, թէ՞ լինի „Hier“ (այստեղ) — այս կամ այն հիմնարկութեան դրան ճակատին, այս կամ այն ցուցատիտակի վրայ... լինի՞ վերում „Zde“ և վարում „Hier“, թէ՞ լինի հակառակը... Գժւար է ստել թէ այդ բոլորը չեխ ու գերմանացի բուրժուազիւնների իշխող գասերի սադրանքն էին: Այդ բաղիտումները ունեցել են և կունենան միշտ իրենց գոյութեան իրաւունքը:

Ոչ, ժամանակակից ազգայնական շարժումները — նոյնիսկ *grosso modo* — անկարելի է վերածել այլ և այլ երկրների իշխող գասակարգերի ձգտումներին, նրանց անտեսական ու այլ մտահոգութիւններին: Պատճառները բազմաթիւ են և այլազան... „Տեստեսականը“ յաճախ բողոքովին խաւարում է կրօնական ու ցեղային խթանների, կոյր ու նախապաշարած ֆանատիկոսութեան, ուրագանի մէջ... Այս վերջապէս, նացիօնալիզմ և նացիօնալիզմ: Պէտք է զանազանել յարձակողական ու բռնաւոր նացիօնալիզմը այն ինքնապաշտպան նացիօնալիզմից ու հայրենասիրութիւնից, որ իւրաքանչիւր մարդկային համայնքի անբռնաբարելի սեփականութիւնն է և իրաւունքը:

Ազգային գաղափարը տօնում է այսօր իր հանդիսաւոր դարթօնը նաև եւրոպական ցամաքից հեռու, տօնում է անգամ այնպիսի ժողովուրդների մէջ, որոնք տակաւին նոր են սկսում ունենալ իրենց պատմութիւնը, որոնք մինչև օրս եղել են սոսկ կրօնական համայնքներ:

Ահա, օրինակ, վերածնող հաճկաստանը: Թիւրք տարրը, յանձին նոյնիսկ իր առաջագէմ ներկայացուցիչների, շեշտում է ուժգնութեամբ „տիրող ցեղի“ խստապահանջ իրաւունքը՝ ուրիշ „հպատակ“ ազգերի հանդէպ: Նա մերթ ընդ մերթ մասնում է աշխարհին նոյնիսկ ձուլում ան ակորթակներ, նա ըստ երևոյթին, հնարաւոր է գտնում վաղ թէ ուշ լուծել ազգայնական տարբերութիւնները՝ մէկ ընդհանուր օսմանեան ազգի — ա ճ կ ու թ ե ա ն մէջ... 2է՞ որ եղել են նման օրինակներ պատմութեան ընթացքում: 2է՞ որ նոյնիսկ ամենամաքուր „ազգային պետութիւնը“, Քրանսիան, առաջ է եկել տարբեր ցեղերի մի անօրինակ խաւնորդից: Մարսէլի գաղթական յոյները, Նարբօնի ու Նիմի հռօմայեցիները, հին Գաղիայի ուրոյն ցեղը — գաղիացիները — Գեօնկերկի ու այլ տեղերի Փլամանները, Բրլտանի և Օվերնի կելտերը (*celtes*) և այլն և այլն — դրանք բոլորն էլ հոսեցրել են իրենց արիւնը ժամանակակից Ֆրանսիացու երակների մէջ, դրանց բողոքից պատմութիւնը ստեղծագործել է այսօրւան Ֆրանսիական ազգը:

Բայց հենց խնդիրն այդտեղ է, որ պատմութիւնն է ստեղծագործել—և այն՝ երկար դարերի ընթացքում, անհամար փորձութիւնների ու արհաւիրքների մէջ, ուր—Գիգօի պերճ արտայայտութեամբ—այդ բոլոր ցեղերը, հաստատուած միւլտիթիւլար-հողի վրայ, կրել են միասին «Թէ յաղթութեան գիտութիւնը և թէ պարտութեան սուգը» (et l'ivresse de victoire et le deuil de la défaite):

Ուր է մի այդպիսի ներդաշնակ «պատմութիւն» օսմանեան երկրում...

Փրանսիայի օրինակը գեո եզակի է։ Ուրիշ քաղաքակիրթ պետութիւններից և ոչ մէկը չի տեսել ցեղերի այդքան կատարեալ մի ձուլում, ուր այլևայլ արիւններէից բարբերից ու բարբառներից հրաշակերտէր մի համատարր ազգ, մէկ լեզուով ու պատմութեամբ, մէկ ոգով և խառնածրով։ Այդ եզակի օրինակի հանդէպ քանի՛ քանիսը կան, որ տառապում են ներքին խորունկ հակասութիւններով, ազգայնական մշտնջենաւոր երկպառակութեամբ։ Ահա Աւստրիան—մի այլ ուշագրաւ, տիպական նմուշ։ Փրանսիայի հակոտնեան... Ազգերի կռիւը իր բոլոր աւերիչ արտայայտութիւններով մի տեսակ բնականոն վիճակ է այդտեղ և ոչ մէկը գոյութիւն ունեցող ցեղագրական միութիւններից չի ուզում մի նշանախեց անգամ զիջումն անել իր իրաւունքից... Եւ սակայն—չը մոռանանք—աւստրիական պետութիւնը կազմող ազգերը ունեցել են մի յայտնի չափով նոյնիսկ ընդհանուր պատմութիւն, ունեցել են համերաշխ գործակցութեան գոռ ու յիշատակելի վարկեաններ, ուր ճաշակել են ձախորդութեան ու դառնութեան հետ նաև աջողութիւն ու բերկրանք։ Հարստութեան միապետութեան գրոշակի տակ միացած քանի՛ անգամ այդ այլատարր ազգութիւնները թուժք են կանգնել արևելքից գահավիժող բարբարոսութեան յորձանքների դէմ... Այնուամենայնիւ, Աւստրիան միշտ մնաց տարբեր, հակամարտ ժողովուրդների մի արհեստական հաւաքոյթ, մի կոնգլոմերատ, նա չը դարձաւ ներդաշնակ ու միաձոյլ մի զանգւած «աւստրիացի» արտայայտութիւնը չեղաւ երբէք որևէ «ազգութեան» անուն տիտղոս, այլ իւրաքանչիւրը այդ ցեղագրական Բարբելոնի անդամներից շարունակեց կոչել ինքզինքը իր ուրոյն ծագման անունով—գերմանացի, լեհ, չեխ, մաջառ, ռուսին և այլն։ Չը կայ «աւստրիական ազգութիւն» —նա մի պատրանք է։ Կան միայն աւստրիական «ազգութիւններ»...

Գալիցիայի լեհերը իր բովանդակ էութեամբ կապուած է Արշաւայի ու Պօլնանի լեհերի հետ, մինչդեռ նրա կապն ու ազգակցութիւնը աւստրիական միւս ազգերի հետ, որքան էլ նա ամրապնդւի կոլտուրայի անաջադիմութեան ընթացքում, մնալու է միշտ համեմատաբար աւելի թոյլ, մակերեսային։ Կոյն Գալիցիայի ռուսինը շատ աւելի մօտ է զգում իրան Ռուսաստանի, Ուկրայնայի ռուսիներին, որոնց հետ նա նոյնպէս կապուած է պատմական անխախտելի կապերով։ Կոյն ուժերի արամբանութեամբ գերմանական ստորը (Աւստրիայում) ձգտում է միշտ դէպի Վայր-Գերմանիան, որի հետ, նա բաժանում է ընդհանուր ու մայրենի լեզուն և ազգային ձոնը գրականութեան ու քաղաքակրթութեան գանձը։ Կոյն բնազդական հայրենակցական ձգտումը

մղում է միշտ հարաւային սլաւներին դէպի Սերբիա և Տրենտի ու Տրիեստի իտալացուն դէպի Վայր-Իտալիա...

Ոչ մի ուժ չի կարող խախտել այդ հզօր ու տիրական բնազդը ժողովուրդներին շողիւպողը, ինչպէս կը տեսնենք մեր յետագայ յօդածների մէջ, աւելի հոգեւոր (spirituel) գանձերն են, քան սոսկ նիւթական քաղաքակրթութիւնը, և որքան էլ Աւստրիան զարգանայ, անաջադիմէ, որքան էլ կոլտուրայի ու միջազգայնական հոսանքների ազդեցութեան տակ աճի ազգերի փոխադարձ համերաշխութիւնը, երբէք, այնուամենայնիւ, այդ երկիրը չի կազմելու մի միաձոյլ ազգ, բառիս թէկուզ միայն։ Փրանսիական իմաստով։ Լեհերը միշտ մնալու է լեհ, կապուած աւելի ուժեղ կապերով միւս երկրների իր հարազատների հետ, իտալացին մնալու է միշտ իտալացի, ռուսինը՝ ռուսին և չեխը՝ չեխ։

Եթէ այդպէս է ձախտագիրը աւստրիական միապետութեան—ուր, կրկնում ենք, տարբեր ցեղերը պատմական յայտնի վայրկեաններում ապրել են ընդհանուր ցաւերով, յետ են մղել ընդհանուր, աշխարհաւեր ոսոխներին, մշակել են կոլտուրական մի որոշ համայնակենցաղ,—եթէ այդ երկրում տակաւին խօսք չի կարող լինել մի միաձոյլ ազգային զանգւածի, «աւստրիական ազգութեան» մասին—ապա ևս առաւել ճաճկաստանում, ուր պատմութիւնը, տարաբախտաբար, ոչ թէ չի միացրել այլազան ազգութիւններին որևէ ընդհանուր, քաղաքակրթական դատի շուրջը, այլ ընդհակառակը, միշտ բաժանել է, պառակտել, միշտ ատելութեան ու թշնամութեան որոմ է ցանել ազգերի միջև։

Այդտեղ է մեր երկրի դժբախտութիւնը։ Յուսահատելու պէտք չը կայ, ի հարկէ։ ազգերի համերաշխութիւնը մի օր, անշուշտ, կը դառնայ այդտեղ ևս կենդանի իրականութիւն, բայց մի բան, որ երբէք չի իրականանայ,—դա՛ ազգերի ձուլումն է, որ թերևս երազում են մի կարգ մակերեսային պօլիտիկոսներ, դա ազգերի կլանումն է (assimilation) տիրապետող ցեղագրական օրգանիզմի մէջ։ Գա մի անհող ցնորք է, մտացածին մի երազանք։ Հայը միշտ կը մնայ հայ, յոյնը միշտ յոյն, իր լեզուով ու ազգային ուրոյն քաղաքակրթութեամբ։ Եւ ինչպէս որ Գալիցիայի լեհերը ձգողական մի անյաղթելի զօրութեամբ մղում է միշտ դէպի սահմանի միւս կողմը գանձող հարազատները, անանց անպատճառ հետապնդելու լեհական սեպարատիզմի, անկախութեան,—այնպէս և թիւրքահայը, ապրելով հանդերձ բրդի, տաճկի հետ մէկ օճախի մէջ, մէկ ընդհանուր պետականութեան հովանիի տակ և մի ներդաշնակ քաղաքական-հասարակական համակենցաղով, մղելով հանդերձ այդ ընդհանուր պետական իրաւակարգը դէպի աստիճանական կատարելագործում, դէպի ճշմարիտ ուսմկավարութիւն, պիտի շարունակէ կապուած մնալ կովկասեան ու այլ երկրների հայութեան հետ աւելի ուժեղ, աւելի շեշտուած ազգակցական ու հայրենակցական շղթաներով—շղթաներ, որոնք իրենց արիւնակոռ զանգւածի մէջ խտացնում են մի հսկայական, բազմադարեայ պատմութիւն, մի սրտառուշ, արտասուցող դիւցազնութիւն...

Կայ հիւանդոտ կօսմօպօլիտիզմ (համաշխարհաքաղաքացիութիւն), ինչպէս կայ նաև հիւանդոտ նացիօնալիզմ։ մեր խօսքը դրանց մասին չէ, այլ նորմալ,

առողջ հայրենասիրութեան մասին, որ էւօլիւցիայի խթաններից մէկն է և որ ոչ մի արտաքին ճնշում չի կարող արմատախիլել:

Մանր ազգերը ամենուրեք հզօր ու կատարի նախանձախնդրութեամբ հաստատում են իրենց դիրքը Արեգակի տակ, պահպանում են իրենց ուրոյն կերպարանքը, իրենց լեզուն ու հաւաքական ստացածքները: Հրէութեան պէս ցիր-ցան ու տարագիր, Լքւած ու հաւածական համայնքն անգամ Ռուսաստանում ու այլ վայրերում յամառ տակունութեամբ մաքառում է այսօր «ձուլման» բռնակոր ակորժակների դէմ և ընթանում է դէպի ազգային ինքնօրինութիւն, եթէ ոչ հողային ու քաղաքական, գէթ կուլտուրական ինքնօրինութիւն:

Աւելի ուշադրաւ մի երևոյթ: Ազգային ոգին բարձրանում է անգամ աշխարհի ամենազատ կայսրութեան Մեծ Բրիտանիայի գաղութներում ու հովանաւորեալ երկրների մէջ—Հնդկաստանում, Եգիպտոսում: Բաղաքական լայնազատ ընթացքն անգամ չի աջողում ձուլել «մարսել» հպատակ ցեղերին, ազգայնական շարժումը ծայր է աւել երկու յիշեալ երկրներում—արաբների ու հնդիկների մէջ—և արգէն իսկ լուրջ մտահոգութիւն է պատճառում «ձուլերի միահեծան Թագուհուն»: Երիտասարդ հնդիկները նետում են տերրորական, կարմիր ծանապարհը և բիչ առաջ նրանց մոլեռանդ, գաղափարական ռազմիրաններից մինը, ուսանող Թինգրա, Լոնդոնում օր ցերեկով գետին փռեց Հնդկաստանի վարչութեան անդամներից մէկին, հօգսկելով իր այդ մահափորձը, որպէս հնդկական հայրենասիրութեան մի անխուսափելի ու սուրբ բռնկում:

Ահա փաստեր, մինը միւսից ուշադրաւ, մինը միւսից հրահանգիչ և ուսանելի: Ազգային գաղափարը, կատարելով իր դարաւոր, հօյակապ թափօրը պատմութեան մէջ, այսօր դեռ բնաւ տրամագիր չէ ինքնուկեանքի բեմից: Ընդհակառակը Մերթ կատաղօրէն յարձակողական, մերթ համօրէն պաշտպանողական, նա շարունակում է յուզել ամենուրեք, հասարակական գիտակցութիւնը և մտատանջել գիւլլօմատներին, բաղաբաղէտներին:

Նա վարակում է ինտելիգենտ խաղաղուց միտքը նոյն իսկ այնպիսի միջավայրերում, ուր երկար ժամանակ տիրել է կատարեալ անտարբերութիւն ազգայնական վէճերի շուրջը, ուր վաղուց ի վեր առաջադիմական բանակների մէջ չի լսուել նացիօնալիզմի ու ազգային դերիշխանութեան նշանաբանը:

Այդպէս—Ռուսաստանում: Ռուս առաջադէմ մտաւորականութիւնը մինչև օրս սիրում էր անւանել ինքզինքը ապազգայնական, anational, այսինքն անտարբեր ազգային հարցերում: Այսօր սակայն կատարում է նրա մէջ մի նշանակալի շրջում: Իրօք, դա բնաւ անակնկալ չէր, միայն թէ մեր օրերում և Ռուսաստանի քաղաքական հիւանդոտ մթնոլորտում, ազգայնական այդ volte-face-ը կատարում է փոքր ինչ վայրագ անսպասելի ձևով: Մինչ հոկտեմբերեան պահպանողականներ և կադետներ ձեռք ձեռքի տաւ, պանգերմանիզմի սրարշաւ առաջադիմութեան հանդէպ դուրս են կոչում 40-ական թւականների Ակադեմիան պանսլավիզմի (համալայնութիւն) «նէօլավիզմ» անւան

տակ նախկին մարքսիստ ու սօցիալ-դեմօկրատ Պետրովից իր մի բանի համահարգների հետ արծարծում է եւսանդով «իշխող տարրի» (ուսուսականութեան) առանձնաբնույթ իրաւունքները, խօսում է «ազգային դէմքի» ու «ինքնակալ ազգութեան» մասին (сержавнам нации) և ուղում է վերագարձնել առևս ինտելիգենցիան դէպի Պուշկինի ժամանակները, երբ համբաւաւոր ժողովրդական բանաստեղծը Ահաստանի ազատագրական ու անջատական ձգտումների հանդէպ յօրինում էր իր թունոտ ու շանթոտ, ազգայնամուտ օտանաւորը «О память шумите вы, народные вити»:

Սարուվէ և իր թիկնապահները, յեղափոխութեան վիժման ծանր վայրկեաններում, ընդհանուր Լքման ու յոգնածութեան մի արտասուելի շրջանում, ուրիշ Լքւանդոյն ելք չեն գտնում: այդ զարհուրելի մթնոլորտից, բայց եթէ վառել ցեղային բիրտ շօլինիզմը, բայց եթէ խօսել ազգերի «վանողական» բնազդների մասին, շեշտել առեսական «ազգային դէմքը», որ ոչ որ չի փորձել օտանահարելու արծարծել ինքնակալ, վելիկօրօսեան նացիօնալիզմը ընդդէմ հրէական ու այլ նացիօնալիզմի երևակայական օտանդութիւններին:

Այդպէս է «ազգային իրականութիւնը»: Նա անդրադառնում է ամենուրեք մտածող պոլուխների մէջ և նայեա՞տեղին ու հանգամանքերին նայեա՞ դասակարգին ու ազգայնական խառնածքներին այդ իրականութիւնը ծնում է որոշ իրէժօրգիա, գանդափարաբանութիւն, ծնում է այլազան քաղաքահասարակական հոսանքներ:

Մի կողմից ահա հերվէ ի զմը որ մարմնացնում է բուն ապազգայնական հոսանքը (anationalism), որ կղզիացած իր Փրանսիական հայրենիքի մէջ կամենում է իր հակապատմութեան հակամիջիտարակաւ, ուղղութեամբ կանգնել որպէս մի տեսակ պատար, հակակշիւ բուրժուա-կապիտալիստական փշատիչ նացիօնալիզմի դէմ, նա ժխտում է բացարձակապէս ազգի ու հայրենիքի գաղափարը, համարում է այն նախապաշարժուք, ու բուրժուական մի յղացում յայտարարում է, որ նոյնիսկ վտանգի նոյնիսկ արտաքին նաւաճողական արշաւանքի հանդէպ բանւոր ու սօցիալիստ ընդհանրութիւնը չը պիտի պաշտպանէ այդ հայրենիքը:

Միւս կողմից ահա այդ հիւանդոտ ծայրայեղութեան անտիպօղը, նրա հակադիր բեկումը, բուն ազգասիր, աշխարհակալող ցեղա-ազգայնական շօլինիզմը, որ յորջորջում է տարբեր տեղերում տարբեր անուններով—պանգերմանիզմ (համագերմանականութիւն), պանբրիտանիզմ, պանամերիկանիզմ, պանսլավիզմ—տողորած ամենքն էլ իրենց յատուկ ցեղային, ազգայնական կամ կրօնական տիրապետութեան տնչանքներով:

Միւս կողմից մեր առջև պարզում են մի շարք աւելի մանր ազգայնական հոսանքներ—սիօնիզմ, պանսլավիզմ, պանհելլենիզմ, պանսլաւոնիզմ, և այլն—որոնց պէտք է զանազանել առաջիններից, որոնք իրրե կայէս պաշտպանողական հոսանքներ (մանաւանդ առաջին երկուսը), չեն տարած նաւաճողական բռնակոր ակորժակներով, չեն ուղում

ոտնս հարել որևէ ազգի ներկայան իրաւունքները այլ ձգտում են ապահովել—թէկող և տարբեր պետութիւնների սահմաններում— հարազատ ազգակիցների ֆիզիքական յարատեւութիւնը, նրանց բաղաբաղական ու կուլտուրական զարգացումն ու բարգաւաճումը:

Միւս կողմից, վերջապէս, կայ հզօր ու իրօք համաշխարհային հոսանքը—Սօցիալիստական ինտերնացիոնալը, որ միջազգայնական իր գաւանդներով կոչւած է միակ ու լաւագոյն լուծումը տալու ազգային չարատանջ ու բարդ հանգոյցին... Բայց այդտեղ ևս ազգային դաշափարը չի լուծուում ծոյլ ու անգոյն կոսմոպոլիտիզմի մէջ: Ամենեին: Սօցիալիզմի բարոզածը ազգայնական վէճերի մէջ այլ ևս նախկին «անմիս ու անարիւն ինտերնացիոնալիզմը չէ» (Պերնետտորֆեր), որ սգեւորում էր «Վոմունիստական մանիֆէստի» հեղինակներին և նոյնիսկ 80-ական թւականների սօցիալիստներին:

Անցան այն ժամանակները, երբ սօցիալիստական ֆրոնտաւորութեան մէջ հողմուում էին շարունակ դրանւորները հայրենիք չունին՝ և նման պարապ ֆօրմուլները: Աեանքը ձգմեց նրանց իր երկաթէ տրամաբանութեան տակ և այսօր աշխարհի բոլոր սօցիալիստ կուսակցութիւնների ծրագիրներում ու տակտիկի մէջ ոչ միայն շեշտուում է առողջ ազգայնութեան ու հայրենասիրութեան դաւանանքը, այլ նոյնիսկ տեսնում ենք սօցիալիստական բանակի մէջ անհատական մետաֆօրմօզներ (փոխակերպութիւն) ու ևս Ստրուվէ—ոչ ի հարկէ, նոյն այլանպակ չափերով—տեսնում ենք սօցիալիստներ, ինչպէս Այլթներ Գերմանիայում, ինչպէս Աան-Վօլ Լօլլանդիայում, Աանգերվելդ Բելգիայում, Ֆերրիու Բիւսօլատի Բուսիայում, որոնք չեն քաշուում ժամանակաւ ժամանակ հուշակեցու ազգային հզօր բաղաբաղանութեան անհրաժեշտութիւնը արտաքին աշխարհի դիմաց, դաշուութիւնների մէջ արծարծում են «ազգային ծաւալման» ու պաշտպանութեան այնպիսի ծրագիրներ, որոնք սովորաբար դիտուում են, իբրև անընդունելի սօցիալիստական աշխարհահայեացքի տեսակէտից:

Այս բոլոր այլազան իրողութիւնները, որ շեշտուում են ազգային հարցի լայնածաւալ աշխարհում, թէ բուրժուազանիստալիստական, թէ անսկալար ու սօցիալիստական «նացիօնալիզմի» զարգացման մէջ, հարկադրում են մեզ լրջօրէն նայել ազգայնական պրօբլեմի վրայ, և զատելով նրա հիւանդոտ ծայրայեղութիւնները, ի տես դնել նրա անվթար ծուծ-կորիզը: Տեսական մասհոգութիւններից դատուկայ այդտեղ և գործնական ծանրակշիւ մի նկատում: Մեր օրերում, երբ հայ գործող երիտասարդութեան մի մասի մէջ—առանձնապէս Ռուսաստանում—կայ ձգտումն դէպի չոր ու գձուձ նիւթապաշտական մարդանքներ, դէպի խոշոր իդէալների մանրացում, օտարացում, հարկ է վառել, հրահրել վերստին իդէալիզմի ու անձնուրաց խանդավառութեան հզօր շունչը այն հարազատ միջավայրում, ուր բողբօջիլ ու փթթեւել են մեր լաւագոյն առաքինութիւնները վերջին տասնակ տարիների ընթացքում, հայկական Risorgimento-ի անդրանիկ շեփորումներից ի վեր:

Միւս կողմից հարկ է զգուշացնել մեր երիտասարդութեան մի այլ մասը—առանձնապէս Թիւրքիայում, ուր ազատութեան ծանուցումից ի վեր ցեղային ու ալ-

դայնական բաղաւաճները ստեղծելու վրայ են մի ցաւառիթ կացութիւն—à l'austrichienne—հարկ է զգուշացնել դիւրաբար այն տարրերը—մի շնչին փորրամասնութիւն, անտարակոյս—որոնք բաւականաչափ չեն ըմբռնում հայ առաջադէմ կուսակցութիւնների «համերաշխութեան ու միջազգայնութեան» քարոզները, որոնք հակած են տարելու շօլիստական հողմուում և կարող են—մի մօտայն ու խոսյան միջավայրում— պատրասկ լինել (ոչ պատճառ) չարաշուք թիւրիմացութիւնների:

Մտենք «ազգային դաշափարի» խորքը, փորձենք լուսաբանել ու դնահատել այն իր պատմական զարգացման և իր ներկայ կիրառումների մէջ: Փորձենք, մանաւանդ, ի ցոյց դնել այդ ահաւոր հանգոյցի լուծման լաւագոյն եղանակը, ըստ հասարակական գիտութեան վերջին խօսքի, ըստ ժամանակակից աշխարհայեցութեան:

Ա Ր Թ Ո Ւ Ն

Վոլկասից մեզ մօտ ստացած նամակները երբեմն յուշեցնում շեշտեր են պարունակում, որ նմանում են ա հ ա ղ ա ն գ ի... Հայակերների ու պրօփօկատորների վատթարագոյն տեսակը, որ ամբարտաւան դրուխէ բարձրացրել բէակցիայի ներկայ օրերին սպանում է թերևս նոր Բարգուղիմէոսեան գիշերներ ընծայել դժբախտ ու արիւնաքամ Անդրկովկասին: Անհնարին և անհեթեթ ոչինչ չը կայ այդ ստակալի հիպօթէզի մէջ Հայ ինտելիգենցիայի դէմ սկսած պօզրօմը, հակահայկական անլուր արշաւանքը, որ մղուում է մի տարուց ի վեր քաղաքների և գաւառների մէջ հայ ժողովրդի զինաթափութիւնը, անտարակոյս, բաջալերել են միջազգային պրօֆէսիօնալ գրգռիչներին, որոնք տապալուած համարելով իրենց ահարկու հակառակորդին—հայ ժողովրդական կազմակերպութիւնը—որոճում են թերևս նոր հայասպան ծրագիրներ... Հողը նրանց համար տակաւն պարարտ ու հլււրընկալ է, տարաբախտաբար... Հին, մրափող ատելութիւններ, խուլ ունացող վրէժ-խնդրութիւն, թալանի ու սպանութեան ակորթակներ... այդ բոլորը դեռ կայ առատօրէն կովկասեան դժբախտ միջավայրում: Վարմիր խնդութեան ուրախանը դեռ գուցէ չի ասել իր վերջին խօսքը: Եւ հարկ կայ շեշտելու, որ այդ խօսքը մահու ու աներածի շանթեր պիտի ժայթքէ դարձեալ հայ ժողովրդի հասցէին: հարկ կայ յիշելու, որ պրօփօկատորական, յարձակողական ակորթակները պատրաստ են կատարել իրենց վայրենի ապօթէզը դարձեալ հայկական աներակների վրայ:

Չը մարգարէանանք, Յուշեցնում ահազանգերով չը յուզենք միջոյրորտը: Շատ չը խօսենք, բայց շատ մտածենք: Չասենք «անհնարին է» և թեթեւամիտ ու յանցագործ լաւատեսութեամբ չանգիտանանք մեր մշտնջենաւոր հսկողութեան պարտաւորութիւնը: Մեր անիծապարտ իրականութեան մէջ բոլոր «անկարելիութիւնները» գաւառում են կարելի—և դժուարակ անակնկալներին դիմագրաւելու միակ միջոցն է արթուն լինել:

Չը մարգարէանանք, Յուշեցնում ահազանգերով չը յուզենք միջոյրորտը: Շատ չը խօսենք, բայց շատ մտածենք: Չասենք «անհնարին է» և թեթեւամիտ ու յանցագործ լաւատեսութեամբ չանգիտանանք մեր մշտնջենաւոր հսկողութեան պարտաւորութիւնը: Մեր անիծապարտ իրականութեան մէջ բոլոր «անկարելիութիւնները» գաւառում են կարելի—և դժուարակ անակնկալներին դիմագրաւելու միակ միջոցն է արթուն լինել:

